





文

四

論

八

卷

一

第

一

十

一

卷

一

第

一

十

一

卷

一

業胡安定瑗之門與袁默凌浩姑蘇孫載號爲四
俊熙寧三年舉進士第王安石奇其才薦敏堪大
用除太學正出守台州會郡國立元祐黨人碑敏
不從監司促之敏曰嗟乎誣司馬公爲姦是誣天
也其倅立石敏碎之挂冠去自號濯纓居士大觀
中以八行搜天下士殿誤李夔薦於上守令勸駕
敏歎曰昔歸今往於出處之義何居焉弗就敏與
蘇軾遊甚厚軾嘗遺之書曰風氣凋喪植立於質
波狂瀾之中唯吾伯修與景純謂刁而已

十有一



凌浩字直翁與同邑陳敏同學於胡安定以經術知
名二浙治平二年進士嘗爲蓬萊武涉令以能名
召拜太學博士推安定之學以誨士士皆敬服之
出倅辰州守渠陽年六十五致仕
喻樗字子才其先南昌人初愈藥仕梁爲安州刺史
武帝賜姓喻後徙嚴樗其十六世孫也少慕伊洛
之學中建炎三年進士第嘗謂趙鼎曰公事上當
使啓沃多而施行少啓沃之際當使誠意多而語

言少鼎都督川陝荆襄辟樗爲屬紹興初高宗親
征樗見鼎曰六龍臨江兵氣百倍然公自度此舉
果出萬全乎或試一擲也鼎曰中國累年退避不
振敵情益驕義不可更屈故贊上行耳事濟與不
濟則非鼎所知也樗曰然則當思歸路毋以賊遺
君父憂鼎曰策安出樗曰張德遠有重望居閩今
若使爲江淮荆浙福建等路宣撫使俾以諸道兵
赴闕命下府庫軍旅錢穀皆得專之宣撫來路卽
朝廷歸路也鼎遂入奏起浚知樞密院事浚至執

鼎手曰此行舉措皆合人心鼎笑曰子才之功也
尋授秘書省正字兼史館校勘金師旣退人謂鼎
浚將並相樗言二人宜且同在樞府他日趙退則
張繼之立事任人未甚相遠則氣脉長若同處相
位萬一有不合或當去位則必更張是賢者自相
背戾矣後稍如其言先是樗言和議非便言者希
秦檜旨劾樗謫出判衡州致仕檜死起太宗正
丞轉工部員外郎知蘄州孝宗卽位提舉浙東常

平卒

節宋史
本傳

按元志樛自桐廬
至無錫遂定居之

尤表字延之紹興十八年進士爲泰興令進將作監
大宗正闕丞人爭求之陳俊卿曰當與不求者乃
除表再歷秘書丞遷著作郎兼太子侍讀張說自
閣門入西府士論鼎沸表密奏出守台州有毀表
者上使人密察民誦其善政不置乃錄其東湖四
詩以奏累進樞密院正兼左諭德除太常少卿會
高宗崩自南渡後恤禮散失事出倉卒上下罔措
每有討論悉付之表當定廟號表與禮官定號高

宗洪邁請號世祖表奏藝祖規創大業太宗混一
區夏自是以下聖聖相傳廟制一定太上親爲徽
宗子子爲祖父爲宗失昭穆之序漢光武以長沙
王後布衣崛起不與哀平相繼故其稱猶可無嫌
太上以子繼父將來祔廟在徽宗下而顧稱祖恐
在天之靈有所不安邁議遂屈臺臣請定喪制表
奏釋老之教矯誣褻瀆非所以嚴宮禁崇几筵並
請禁斷靈駕將發引忽定配享之議表引典故請
俟旣祔之後進禮部侍郎同修國史淳熙十四年

將有事於明堂詔議升配表奏方在几筵不可配
帝歷舉郊歲在喪服中者四唯元祐明堂用呂大
防請升配神考時去大祥不遠且祖宗悉用以日
易月故升侑無嫌今陛下三年喪高宗雖已祔
廟百官猶未吉服不宜近違紹興遠法元祐從之
孝宗嘗語宰執曰尤袤甚好前此無一人言之何
也權中書舍人兼直學士院力辭不許時內禪議
已定上諭袤曰旦夕制冊甚多故處卿以文字之
職袤乃拜命一時內禪制冊人服其雅正焉光宗

卽位以講筵論官制爲言者所中與祠起歷煥音
閣待制除給事中昌言曰老矣無所補報凡貴近
營求內除小礙法制者雖特旨令書請有去而已
必不奉詔於是所論駁甚多韓侂胄以武功大夫
和州防禦使用應辦賞直轉橫行表繳奏命遂格
侍御史林大中論事左遷疏奏不報皆封駁不書
黃耶律适默以手詔除承宣使一再繳奏奉內批
特與書行表乃言天下者祖宗之天下爵祿者祖
宗之爵祿壽皇以祖宗之天下傳陛下安可私用

祖宗之爵祿而加於公議不允之人上震怒裂去後奏付前奏出表以後奏不報使吏收閣命遂不行除禮部尚書上屢不省重華宮表前後極諫駕亦隨出中外歡呼兼侍讀復多陳奏會上已屬疾國事多舛表亦病卒表少從喻樛汪應辰游樛學於楊時而時程頤高弟也方乾道淳祐間程氏之學稍振忌者目爲道學而攻之表在掖垣首言夫道學者堯舜所以帝禹湯武所以王周孔所以設教近立此名詆訾士君子士君子欲自見於世一

舉足且入其中便無得免此豈盛世之所宜有孝宗曰道學豈不美之名正恐假託爲姦使真僞相亂耳特付出戒勅之表死數年侂冑擅國於是禁錮道學士大夫皆受其禍識者服表之知言表嘗取孫綽遂初賦以自號光宗書扁賜之有遂初小

藁六十卷內外制三十卷謚文簡

節宋史本傳

李祥字元德隆興元年進士爲錢塘縣主簿攝錄叅時邏者以巧發爲能每事下有司必監視鍛鍊囚服乃已嘗告一武臣子謗朝政鞠於獄祥不使邏

者入既而所告無實具白臨安尹姚憲憲驚曰上命無實乎祥曰卽坐譴自甘乃具論如祥意上曰朕幾誤卿吾爭臣也遂賜憲出身爲諫大夫祥調濠州錄事叅軍安豐守臣冒占民田訟屢不決監司委祥卒歸之民累官國子祭酒丞相趙汝愚以言去國祥疏曰頃壽皇崩兩宮隔絕中外洵洵留正棄印亡去國命如髮汝愚不畏滅族決策立陛下風塵不搖天下復安此社稷之臣也奈何無念功至意使精忠巨節怫鬱黯闇其何以示後世除

直龍圖閣湖南運副言者劾罷之於是太學生楊宏中等六人上書留之并得罪祥以直龍圖閣致

仕卒謚肅簡

節宋史本傳

蔣重珍字良貴嘉定十六年進士第一簽判奉國軍紹興二年入對首言自天子至於庶人所當先知者本心外物二者之界限界限明則知有天下治亂生民休戚而已何樂其尊奉哉遷校書郎行都火應詔曰臣頃進本心外物界限之說蓋欲陛下親攬大柄不退託於人盡破恩私求無愧於已若

以天下生靈社稷宗廟爲輕而以一身富貴之所從來爲重不惟上負天命與先帝聖母卽公卿百執事之望陛下者亦不如此也昔周勃今日握璽授文帝是夜卽以宋昌領南北軍霍光今年定策立宣帝明年稽首歸政今臨御八年未聞進退人才興廢政事天下皆曰此丞相意一時恩怨雖歸廟堂異日治亂實在陛下焉有爲天之子爲人之主而自朝達於天下皆言相不言君哉天之所以火宗廟火都城者以此况九廟至重事如生存而

撤小塗大不防於火之未至

之居華屋廣袤

而焦頭爛額獨全於火之已然亦足以見人心陷溺知有權勢而不知有君父矣他有變故何所倚仗陛下自視不亦孤乎史浩兩人相纒五月九月而罷孝宗報功寧有窮已然如此其亟何哉保全功臣之道也可厚以富貴不可久以權也上讀之感動他日星變復申前說上爲君難六箴端平初入對上五事乞召用真德秀魏了翁帝曰人主之職無他唯辨君子小人重珍對曰小人亦指君子

爲小人此爲難辨耳累遷起居郎以集英殿修撰
知安吉州權刑部侍郎自劾乞鑄斥詔守刑部侍
郎致仕贈朝請大夫謚忠文

節宋史本傳

元

陸以道字士弘明易遯程朱之源獨得象外旨至正
二年舉進士授校官累遷翰林待制著宋鑑提綱
虞薦發字君瑞其先丹陽人性孝友處約而好施口
未嘗言利宋德祐中避地無錫樂其風土因家焉
無錫學久廢強起薦發爲師招諸生講說義理士

皆聞風而至時士人有田籍者官俾給驛傳

極言於上官得免爲鄉校官十餘年未嘗受廩祿

當路交辟不就歸自號薇山學者因稱薇山先生

延祐甲寅初行科舉左丞許某董試江浙徵之乃

曰吾所避者利祿耳今幸無是遂應命經疑問忠

恕或引天地忠恕以對閱者謂天地有忠恕耶乙

其處薦發曰此程子之說於是黜而復取者數人

子志道字彥高幼閑家訓弱冠以茂異起爲校官

其學務明體適用爲文章必本於理教授湖州趙

文敏孟頫甚重之以嘉興尹致仕踐履篤實愛親敬長引導後進急人之難不惜傾產而平生於義利之辨甚明

明

邵寶字國賢別字泉齋亦曰二泉成化二十年進士授許州知州治先禮讓訓士以義利公私之辨及忠孝大節聞者皆知慎其所自立巫有言龍骨出地中爲禍福杖而毀之躬課農種推行朱子社倉法入爲戶部員外郎郎中擢江西提學副使率諸

生釋菜周元公祠修白鹿書院江西俗好陰陽家言父母死或數年不葬寶著令不葬親者不得與試其俗乃革宸濠每請爲詩文輒峻却不與及濠敗有司校勘書札寶獨無一字歷遷湖廣左布政使正德中拜右副都御史總督漕運嘗議事至京師會劉瑾惡平江伯陳熊欲論殺之一日劾寶於左順門將逮之尚書張綏曹元自內出謂公第劾平江則事釋矣寶曰平江功臣之後督漕未久無大過不知所劾越三日給事中劾熊并劾寶狗庇

下熊獄寶致仕瑾誅起巡撫貴州進戶部侍郎命兼左僉都御史處置糧運初寶以母老乞終養屢疏不許至是得請歸嘉靖初起南京禮部尚書辭母病不拜命有司以禮存問比終母喪未幾卒贈太子少保謚文莊寶文章典重碑版遍天下誠心質行雖童豎共見之嘗曰願爲真士夫不願爲假道學所著學史簡端錄巡撫吳廷舉上於朝節明史擬藁談縉字朝章少薄章句潛究聖賢之學應事從容不

動聲色爲時所重臺使者行部必式其廬著荷橋

子

嘗夢負橋而行曰此所謂任重而道遠也遂因以自號

顧憲成字叔時父學侗儻負氣自邑之上舍獨身徒涇臯日食一糜而信孚鄉黨久之遂用起家憲成以鄉試第一人舉萬曆八年進士除戶部主事大學士張居正寢疾朝士爲羣禱於神同官代署憲成名以往憲成聞亟馳赴手削之改吏部會大計京朝官都御史辛自修以斥尚書何起鳴忤執政爲言官劾罷憲成上疏語侵閣臣謫桂陽州判稍

遷處州府推官累擢復爲吏部時有三王並封之
議憲成唱四司極言其不可者九語甚愷切并上
書大學士王錫爵二十一年內計吏部尚書孫鑰
考功郎中趙南星盡黜執政私人憲成實左右之
南星罷憲成亦自劾請與同罷不報尋掌選事又
會推閣臣憲成所舉益與執政牴牾坐削籍憲成
在文選嘗言閣部既不同心惟有三十巡撫十三
提學吏部猶可選擇使皆得其人天下事庶幾少
補未幾竟得罪去憲成歸修復東林書院與高攀

龍輩講學其中月爲一會悉遵朱子白鹿洞規時
有管氏之學一貫三教而憲成獨排無善無惡之
說以發明性善爲宗嘗曰聖人教人爲善去惡而
已爲善爲其所固有去惡去其所本無又曰論本
體只性善二字論工夫只小心二字憲成初以投
閒講學未嘗欲大樹壇坵久之應和旣廣頗以操
持國是激揚清濁而自是爭三案攻魏闖其人皆
出東林於是羣邪害正者遂益以東林爲的幾致
東漢黨人之禍自憲成歸十餘年起南光祿少卿

不拜尋卒又十五年而奪職崇禎初贈吏部侍郎

謚端文

明史擬藁

顧允成字季時憲成弟萬曆十四年進士廷試對策
卽陳內寵小人將盛語侵貴妃乃抑置於後時御
史房寰疏詆右都御史海瑞允成不勝憤與同榜
進士彭遵古諸壽賢上疏論劾坐削籍久之起南
康府教授以母病不行旣終喪補保定累遷禮部
主事會三王並封力陳不可考功郎趙南星被譴
又疏救謫判光州歸與兄憲成講學東林辨析狂

狷中行之說意以狂狷自處而疾世之爲鄉愿而
託於中行者允成居官先後僅六十日卒贈尚寶

司丞

節明史擬藁

高攀龍字存之祖材別有傳萬曆十七年進士出吏
部員外郎趙南星之門授行人時四川僉事張世
則疏詆程朱傳註而獻所著大學初義請頒學宮
攀龍上言極陳其邪妄非祖宗之訓帝納焉時當
國者頗持異同部院大臣多以不合去位至是謫
南星等吏部一空攀龍疏言閣臣不當陰除異已

鋤善類以空人國謫揭陽典史旣歸築水居於蠡湖而居之會顧憲成亦以言事罷因相與修復東林書院讀書講學垂三十年天啓初起光祿寺丞進少卿轉太常寺禮部尚書孫慎行追論紅丸歸罪舊輔方從哲事下廷臣議攀龍議從哲交通國戚表裏爲姦無逃首惡之誅旣而又抗疏極言有討賊則爲陛下之孝而說者反曰爲先帝隱諱爲孝等語有旨攀龍詆朕不孝當重譴閣臣葉向高力救得免遷太僕寺卿都御史鄒元標馮從吾建

首善書院於京師攀龍時與講會給事朱童蒙因疏訐爲朋黨於是元標等皆去位攀龍乞休不許進刑部右侍郎尋推左都御史時趙南星爲吏部尚書攀龍謂師弟子不當分掌部院力辭不得旣就職則劾罷魏忠賢私人御史崔呈秀先是副都御史楊漣劾忠賢二十四大罪於是其黨嗾忠賢曰東林必殺公御史陳九疇遂因會推奏部院徇私而南星攀龍俱罷明年盡毀天下書院戍南星逮楊漣魏大中等殺之而削攀龍職旣又逮周順

昌等并攀龍七人收者至攀龍先一夕拜遺表曰
臣雖削籍舊係大臣大臣受辱則辱國故北向叩
頭從屈平之遺則君恩未報願結來生乃自沈園
池以死攀龍之學以誦法程朱真知實踐為主其
進脩次第詳所著困學記中方之揭陽時憩旅舍
小樓讀二程語至萬變俱在人其實無一事恍然
曰果無事卒年六十有五崇禎初贈太子少保兵
部尚書謚忠憲

節明史
擬藁

安希范字小范父如山別有傳希范萬曆十四年進

士授行人歷南京吏部主事當是時政府多斥異
已者希范上言伏見近年以來正直老成之臣敢
言之士多不安於位如趙用賢趙南星孟化鯉人
皆知其剛正而次第屏斥孫鑰李世達李楨雖材
品不同而先後去國行人高攀龍一疏實皇上之
忠臣亦輔臣之諍友而反蒙重斥夫閣臣之職輔
皇上以進賢退不肖今賢者以異已黜而不肖者
以媚已進誤國不忠莫大於此疏入削籍歸東林
書院成希范別構一室雜植花竹讀書其中家既

不貧亦不矯爲寒儉所居膠山多清川長薄又樂
吳興山水晚而卜築武康天啓初贈光祿少卿

節明

史擬

葉茂才字叅之萬曆十七年進士授刑部主事改南
京工部推關蕪湖上羨數千金疏曰久旱始通故
有美請不爲例改南吏部郎中請告歸起歷南太
僕少卿家居十五年始一出時御史唐世濟疏斥
建言諸臣指爲邪議茂才上疏爭之不報黨世濟
者因羣起攻茂才茂才請告歸再起太常不赴擢

南京工部右侍郎三月致仕茂才通籍四十年十
九在告與顧憲成高攀龍講學東林意所不然不
爲苟同攀龍殉難竭力免其子於禍家貧苦節以
布衣蔬食終其身崇禎初卒賜祭葬如制

節明史
擬藁

劉陞字進之萬曆十年舉人性嚴正高攀龍少從受
經旣而與攀龍同舉於鄉攀龍自言少未知學驟
得舉稍自行意先生呼而責之後始自繩檢容加
飭語加瑟校視平居恬適時如仆而立如渙而萃
也子元珍舉進士歷官兵部郎中陞亦謁選司教

山陽歷績溪歸以恩封如子官元珍劾閣臣除籍
陛獨喜以爲能報國也

劉元珍字伯先萬曆二十三年進士授南京禮部主
事歷兵部郎中移疾歸久之赴部候補會大計京
朝官吏部侍郎楊時喬都御史溫純盡黜閣臣沈
一貫之黨給事中錢夢臯與焉夢臯乃借言楚宗
事畱用一貫因奏計典不公盡畱臺省被黜者并
察疏不下元珍上言閣臣沈一貫秉政以來嫉視
善類比昵匪人卽如考察一事諒皇上非愛夢臯

非私臺省乃一貫曲庇私人內則假公以罔上外
則挾威以箝下旣借皇上之權以申其意遂竊皇
上之德以固其交一貫敢於欺罔犯清議而不顧
如此况有爲之鷹犬如夢臯者將何施而不可疏
上將杖元珍於廷會雷震郊壇燈竿木乃反杖旨
削籍歸歸而與顧憲成高攀龍講學東林光宗卽
位起光祿寺少卿時遼瀋陷沒前贊畫主事劉國
縉以招撫南四衛官民爲名擁衆數萬請發天津
登萊船南濟元珍極言其詭秘不可信議乃阻

明史

擬藁孫惠恒進士知閩縣歸讀書爲詩文皆有家學
許世卿字伯勳萬曆十三年舉人被服東林爲十戒
書壁後有嘗以私者曰息壤在彼又戚黨以事麗
法甚亟屬世卿爲解適賣婢爲輸其罰緩而謝之
吳桂森字叔美萬曆四十四年序貢學易於武進錢
一本受所著管見像鈔因廣其意作像象述東林
之興每居講席及高攀龍沒書院丘墟間過道南
班荆念舊不勝憤慨崇禎初有旨修復乃建麗澤
堂又築小齋名來復日講易其中東林之緒賴以

不墜嘗言有善無惡心之體有善有惡意之動知
善知惡是格物知善無惡是致知其自署曰東林
素衣卒祀崇正書院

張夢時原名大受字伯可萬曆三十一年舉人築精
舍東林以居與諸儒往復垂二十年謁選歷官山
東運同政稱廉惠

宿夢鯉字龍吉萬曆三十四年舉人除松陽知縣有
政績少砥文行高攀龍命其三子師事於家塾者
十有六年

張雲鸞字羽臣從端文忠憲遊東林時溫陵李贄之說未盡息於天下雲鸞爲經正錄以闢之崇禎中賚書自獻於朝有旨褒獎命學臣察其生平行履以聞詔准充貢

鄒期楨字公寧從攀龍學嘗論靜坐期楨曰調息亦頗有益攀龍曰不屑也期楨懔然旣而獨心旨所論觀未發工夫以是有得三案議起期楨以布衣憤懣託之吟詠題曰委巷謠弟期相字公寅從游東林聞緒論以教授學者崇禎中御史張纘曾舉

賢良方正歷官浙江衛經歷

黃廣字冠龍高攀龍赴止水死有旨詰問漏洩之由有司責保狀甚亟無應者廣同華國才慨然署狀以貢除安遠知縣有重囚寇至陽從賊走而道亡自歸者且請出死力守城及部移至竟在決數中廣爲力請卒得釋

華貞元字始得從高攀龍受靜坐說有得嘗留止默對豁然見無隱之象與吳桂森同受易於錢一本平生不啻飲食衣被其中家貧或竟日不爨不以

累其心族子允謀允誼允誠與相師友終其身
華允謀字汝翼萬曆二十八年鄉舉世受易得其精
義而用之躬行立家會與高攀龍吳桂森諸人遊
鵲湖始興起於學授寶應教諭諸生爭地者各讓
不取時爲築興讓亭

華允誼字汝正允謀仲弟孝友質直力追古人崇禎
六年歲貢不赴廷試初偕弟允誠受易於錢一本
旣而從高攀龍講學憬然於靜敬之旨終身從事
焉攀龍沒力保持其家晚自號後菴

華允誠字汝立允謀季弟天啓二年進士除工部都
水司主事見鄒元標輩以講學去位遂拂衣歸久
之補營繕督琉璃廠進兵部職方員外郎上言時
政三大可惜四大可憂劾大學士溫體仁吏部尚
書閔洪學閣部朋比阿黨有旨責令回奏乃益發
洪學諸交通狀詔奪俸未幾乞終養歸大學士周
延儒再召頗以收攬清流爲名邀允誠一見固不
往福王立江南起吏部員外郎見時不可爲在官
十三日而告歸允誠初受易於錢一本旣得主靜

之學於高攀龍攀龍嘗言鳳超允誠號整齊嚴肅殆

若性成僕乃甚受其益攀龍將赴止水拜遺表外

獨有別允誠書其見重如此允誠既罷官歸杜門

讀易 國朝順治五年以未薙髮被執就訊終無

一語死於江寧市諸孫尚濂者年甚少從死焉

顧樞字所止憲成之孫天啓元年舉人世承家學又

親受業高忠憲攀龍之門故於忠孝出處之道少

而習焉其學以無欲為體以居敬為功以闡明性

善為家法而皆探本於易值世紛紜屏居涇臯結

茅故廬之旁取陶靖節語名之曰西疇讀書靜坐

其中晚以子貞觀封內秘書院中書舍人

秦鏞字大音父爾載一名二宜字彥熙少受學於葉

茂才後師事高攀龍隨侍水居習靜坐法在攀龍

之門以好學稱早卒攀龍痛惜之鏞幼閑家訓被

服東林內行純至崇禎十年進士知清江縣不尚

文法而實惠及民江南初建擢監察御史既歸築

千休館於城東隅而居之屏絕人事非歲時歸謁

家廟未嘗踰閭於書博覽研索多發前人未得之

蘊嘗自言於高子半日讀書之功多半日靜坐之功少以是爲病歟歛謙抑語若不能出諸其口而遇事必期於盡理而後卽安蓋其性然也

高世泰字彙旃攀龍從子父士鶴以篤行稱於鄉黨世泰崇禎十年進士除禮部主事典己卯廣東鄉試歷郎中擢湖廣提學僉事至則修濂溪書院遴諸名士數百人講業其中均州劣生某陰導武當太和宮稅監謁文廟令諸生講書於前因有非笑之者璫怒誣以毀拆宮坊文致數十人入告事下

學臣勘覆世泰備陳璫僭虐狀爲諸生辨甚力遂得旨撤璫罪劣生而解均州獄事竣歸方是時東林書院之毀幾二十年不絕如綫世泰爲重建燕居廟出舊藏先聖木主而祀之春秋仲丁行釋菜禮不廢又次第起道南祠築再得艸廬於是講會間舉庶幾舊觀世泰性嚴肅見子弟如賓客於先儒舊蹟多所表章善楷書得黃庭法子蓮生有文行事嗣母鄭以孝聞又弟肇升亦篤行世其家學堵景濂字濂生維垣之孫幼學於東林晚領崇禎十

五年鄉薦巡撫祁彪佳延之帷幄以病目辭歸未
幾遂失明家居教授生徒日使人誦書於前因爲
剖析其義益無倦色先後從學者蓋八百餘人值
歲饑賑粥匍匐乞米於富貴之門不足則自鬻田
十畝以辦又不足賣婢得二十金并濟之於諸爲
善事無不力荷一念慮之失輒自記注名曰自知
錄從子廷棻進士歷城知縣有雋才以詩名於時
嚴穀字佩之始爲名諸生中歲落拓無榮進意嘗讀
高子遺書歎曰吾舍是書將誰與歸當江南立主

時將上書陳時政會聞有禁不果旣而竄跡湖山
之間嘗作東林書院志高世泰修復之後時推講
席及學使者張能鱗欲禮致不往贈扁不受或勸
以野服謁謝不答君子謂穀有耻之士云其老也
益饑窘無子死壻家

嚴福孫字祺先紹宗子方習舉子業卽喜旁覽陰陽
五行醫藥星數諸書甲乙之後棄諸生專意古學
初讀老莊楞嚴意甚喜之旣乃大疑久遂確以爲
非務求正學苦心讀易積十五年著通義九卷不

狗諸家不爲僻解期明白簡當而後已又善太極大衍諸象數之學時或廢寢食而忽得其解爲易象圖義五卷有子不慧將聚邑之子弟教授於家其傳其業旣而有散去者因大憤恚疾發而卒

無錫縣志卷第二十

文苑

游夏列於四科然後之談性命者薄詞章乃將以斥浮華也夫文者載道之器其爲用至大况吳地多才錫實啓之豈非山川清淑之氣所鍾者厚而所發者遠歟志文苑第三十七

漢

高彪字義方吳郡無錫人也家本單寒至彪爲諸生游太學有雅才而訥於言常從馬融欲訪大義融

疾不獲見乃覆刺遺融書曰昔周公旦父文兄武
九命作伯以尹華夏猶揮沐吐餐垂接白屋故周
道以隆天下歸德公今養疴傲士故其宜也融省
書慚追還之彪逝而不顧後郡舉孝廉試經第一
除郎中校書東觀數奏賦頌奇文因事諷諫靈帝
異之時京兆第五永爲督軍御史使督幽州百官
大會祖餞於長樂觀議郎蔡邕等皆賦詩彪乃獨
作箴略曰文武將墜乃俾俊臣整我皇綱董此不
虔古之君子即死忘身無曰已能務在求賢淮陰

之勇廣野是尊周公大聖石碯純臣以威克愛以
義滅親勿謂時險不正其身勿謂無人莫識已真
忘富遺貴福祿乃存先公高節越可永遵佩藏斯
戒以厲終身邕等甚美其文以爲莫尚也後遷內
黃令帝勅同僚臨送祖於上東門詔東觀畫彪像
以勸學者彪到官有德政上書薦縣人申屠蟠等
病卒於官文章多亡子岱亦知名

節後漢
書本傳

晉

顧愷之字長康晉陵無錫人也博學有才氣嘗爲箏

賦成謂人曰吾賦比嵇康琴賦不賞者必以後出
相遺深識者亦當以高奇見貴桓溫引爲大司馬
叅軍甚見親昵後爲殷仲堪叅軍仲堪在荊州愷
之嘗因假還仲堪特以布帆借之至破塚遭風大
敗愷之與仲堪牋曰地名破塚真破塚而出行人
安穩布帆無恙還至荊州人問會稽山川之狀云
千巖競秀萬壑爭流草木蒙籠若雲興霞蔚善丹
青圖寫特妙謝安深重之以爲有蒼生以來未之
有也每畫人成或數年不點目睛人問其故曰四

體妍媸本無關於妙處傳神寫照正在阿堵中愷
之每重嵇康四言詩因爲之圖云手揮五絃易日
送歸鴻難嘗以一厨畫糊題其前寄桓玄皆深所
珍惜者玄發其厨後竊畫而緘閉還之愷之直云
妙畫通靈變化而去亦猶人之登仙愷之矜伐過
實爲吟咏自謂得先賢風制或請作洛生詠答曰
何至作老婢聲義熙初爲散騎常侍與謝瞻連省
夜於月下長詠瞻每遙贊之愷之彌忘倦瞻將眠
令人代已愷之不覺遂申旦而止尤信小術桓玄

嘗以一柳葉給之曰此蟬所翳葉也取以自蔽人
不見已愷之喜引葉自蔽立就溺焉愷之信其不
見已也甚珍之初愷之在桓溫府溫嘗云愷之體
中癡黠各半合而論之正得平耳故俗傳愷之有
三絕才絕畫絕癡絕年六十二卒於官

節晉書本傳

宋

杜鎬字文周南唐時舉明經官集賢校理入直澄心
堂江南平授千乘縣主簿歷崇文院檢討將祀南
郊彗星見宰相趙普問鎬鎬曰當祭而日食猶廢

况謫見如此乎乃罷其禮累遷國子博士加秘閣
校理進虞部員外郎太宗問西漢賜予悉用黃金
而近代爲難得之貨何也鎬曰當是佛事未興故
金價甚賤判太常禮院編次館閣書籍改直秘閣
景德初置龍圖閣待制遂以鎬爲之從幸澶淵遇
懿德皇后忌辰疑軍中鼓吹之禮時鎬先還馳騎
問之鎬以武王載木主伐紂前歌後舞爲對預修
冊府元龜拜右諫議大夫龍圖閣直學士班在樞
密直學士下時特置此職儒者榮之大中祥符中

同詳定東封儀注累進禮部侍郎卒錄其子渥大理寺丞鎬每檢書戒書吏某事某書在某卷幾行覆之未嘗誤上得異書問鎬必手疏本末以聞士大夫訪以古事雖後進卑品應答無倦故士樂推之節宋史本傳

舊志載种放告歸宴餞龍圖閣命侍臣賦詩鎬辭素不屬文詔引名臣歸山故事鎬乃誦北山移文以刺焉

袁默字思正父繹字子安以篤學顯嘉祐八年進士第官京兆府教授遷司農簿獻無逸傳歷太學博

士遷湖北轉運判官學問淵博卿士大夫以為師法與弟點植正功皆有名當世

袁點字思與熙寧初太學直講學者推為領袖與兄默號二袁名出諸儒之右元豐八年進士第累官通判杭州知淮陽軍致仕點喜佛老書詩甚工蘇軾以為有驚心駭目之奇

沈初字子深熙寧六年進士第元祐中尚詞賦朝廷嘗以林希佞道使民沈初周以宗強劉焯堯舜性仁陳之方恤民深者饗其樂江衍王道正則百川

理五賦頌爲天下格初賦流傳至西夏夏人織以爲文錦官象山尉入爲國子直講兄禮揚皆知名唐作求字叔孝崇寧二年進士第徽宗召對稱旨除御筆所禮制局檢討官遷主客郎中出守徽州以朝散郎致仕作求學術該敏嚴家訓厲後學唐氏自是藹然以儒雅名家從弟孚字益裕亦以學問游元祐諸君子間深造理奧

沈松年字性仁大觀三年舉進士第爲金壇縣以文學擢太常博士靖康之變丐歸田里以文史自娛有妹適洪忠宣公皓皓北使妹携諸甥歸無錫松年教之學皆舉博學宏詞科适爲相遵官樞府邁再入翰林由是洪氏文名滿天下松年子有開別有傳

錢紳字紳仲大觀三年進士第知高州旣仕而歸隱居漆塘山中地有湖山之勝志尚高潔工詩陳篆字師文氣豪邁讀書一過輒不復忘爲文初若無意及下筆殊不能休而語意俱到經學該明遠近歸之戴逵先幾先並出其門舉紹興十八年進

士第終知州

戴達先字子善世居邑之城東父滂有文行紹興初建太學達先與弟幾先俱中選士爭傳其文號二戴格太學爲之語曰二戴一王辟雍之光前有王戴後有陳蔡以上舍射策賜第高宗召對擢太學博士孝宗朝求直言達先條天下利害南北戰守事以對召試館職除正字遷校書郎歷知江陰軍移袁州

戴幾先字子微紹興十八年進士第丞相陳康伯薦

於朝召教諸王稍遷國子司業對便殿論王安石蘇軾之學功利仁義差別上嘉之擢禮部侍郎兼侍講累遷直龍圖閣自號錫谷居士

呂克成字世德學問精慤與同邑陳篆俱有名兩浙士從游者常數百人建炎中舉恩科第一人仕終蘄州教授

沈有開字應先松年子淳熙五年進士第少游學能志其大不務華藻給口耳爲太學博士下簾竟講不妄請謁留丞相正異之揖與語聳聽移日丞相

拔擢淳熙知名士有開寔陰贊之而不以爲功及
教嘉王邸進講必嚴君子小人之辨寧宗卽位遷
起居舍人嘗宣入禁中賜坐問民疾苦忌者乃排
以僞學廢斥十年旣而起知徽州改太平不行以
直龍圖閣致仕家居危坐終日時貴詣者皆辭老
疾不見

李晦初名燧卿字顯翁其先晉陵人徙居無錫晦咸
淳二年鄉薦幼嘗爲外家尤後尤抄書之富與文
簡埒文簡書盡於火而此猶獨全故晦得遍讀自

經史子集醫卜陰陽算數射覆真草隸篆下至稗
官小說釋典道教無不畢覽家無宿春而好延賓
客忘勢利齊物我兼善書法自號慧泉散吏

尤棟字率齋年十五已破萬卷工爲古文詞第景定
三年進士除山陽令不樂吏事告歸補州教授歷
秘書正字出知廣德致仕家貧年至大耋二子燾
照皆有文名當是時江南郡邑金石碑版皆出其
父子之筆

元

陸介字伯壽穎悟絕人早負文譽薦授平江學道書院山長尋爲崑山教授調信州雅無仕意以諸暨州判致仕

范致大字德原工古文詞舉經明行修爲常州路教授自號甘泉生

陳顯曾字景忠炤之孫刻苦問學銳意蒐獵必欲盡得其祖生平所作亡失者且持狀走三千里告於史館至再四而後爲炤立傳顯曾爲文力追古之作者至正元年中鄉試官儒學提舉終翰林修撰

從子汝霖字伯雨亦以鄉薦歷婺州路教授因世革杜門不出孫尚簡亦有文行

陳肅字伯將諸子百家無不貫穿兼曉天文地理兵刑曆數之學舉博學宏才授蘭溪州判累官翰林學士兵部尚書河南行省左丞元季沒於王事

明

張籌字帷中父翼在行義傳籌博學工古文元至正乙巳江浙鄉試第一人入明以學士詹同薦應奉翰林文字奉詔纂修昭鑒錄累官廣東叅政拜禮

部尚書

錢仲益名允昇以字行武肅王後居戈村族屬甚盛
稱爲湖頭錢氏仲益幼覽經史甚穎悟長於詩歌
洪武中舉明經爲本縣訓導擢太常博士預修高
祖實錄進翰林修謨後爲王府長史雅好碁待詔
禁垣成祖嘗呼爲碁仙自號錦樹山人年八十一
卒官

呂敏字志學有才氣少貧爲黃冠棄去爲詩取法漢
魏志高心苦與吳高啓諸名士游衆以呂山人稱

之洪武中舉明經爲本縣教諭答一不孝生致死
郡大夫爲曲解改官桂之義寧

浦源字長源工詩聞閩人林鴻老於詩學欲訪之以
收買書籍至閩鴻方與其鄉人鄭宣黃玄爲社源
謁之衆請所作初誦數首皆未應至雲邊路繞巴
山色樹裏河流漢水聲乃驚曰吾家詩也遂邀入
社避所居而舍之源洪武中舉求賢科授晉府引
禮舍人善畫一字東海生
丁信字念誠洪武中舉明經授本縣訓導能詩楊孟

載基嘗游其門

趙次鈞字孟鴻大貌修髯博學能詩元末爲松江路

訓導入明洪武中舉明經改本府

朱昇字彥昇性剛介不能苟合詩長於選體洪武中

舉明經授本縣訓導遷上虞教諭

王達字達善少貧苦志問學究極羣書金華宋濂甚

重之洪武中舉明經爲本縣訓導入爲國子助教

文皇在潛邸聞其名卽位召與語稱旨擢翰林編

修預修高祖實錄進侍讀學士充編纂總裁兩考

禮部會試達有盛名與解縉王偁王璉輩號東南

五才子嘗偕吳門韓奕同縣王紱詩僧真性海游

一惠山紱因作四士圖黃公望爲詩十六韻題其上

一又嘗和中峯梅花詩七言律百首一夕而成達亦

善畫

余璿字彥恒少從王達游博學強記洪武中舉儒士

預修永樂大典子文亦有文章

馮善字擇賢洪武中舉明經爲本縣教諭纂邑志

王紱字孟端少爲諸生免歸洪武中徵天下罷閒弟

子員入京紱坐事謫戍朔州永樂初以薦供事文淵閣尋拜中書舍人明年扈從北京又明年卒於官紱志氣高逸嘗北遊江淮浮黃河踰太行出雁門往來晉代之間慨然弔古不能去久之不樂歸江南隱居九龍山中有終焉之志工真行書善畫遇長廊素壁或時引滿泚筆作山水竹石畫已題五字詩灑然有風人之遺則當所不欲與拂袖而起終不可得嘗聞隣寓簫聲寫竹以贈旣而其人餽紅瓊瑜乞對幅紱大笑揮去之

顧協字允迪隱居賦詩與王達王紱友善

翟宏字弘道永樂中舉明經授齊東教諭調於潛進寧府教授王甚禮重之宏有家學父時中季父克讓俱能詩子厚字公厚亦世其業

余樞字季樞博而能文所作爲李文毅公時勉所知賞景泰初薦授景陵訓導歷岳陽王府教授楚王府伴讀每於王前申講要義學者稱之

張九方字應臯景泰元年鄉舉入胄監授汝寧府推官不畏強禦被誣棄官歸售文自給買舟名浮莊

往來湖上，擇勝而遊，或假宿西神僧舍，亦積日忘
返。其學該博文，無凡語。自號月林居士。成始終字敬之，丰神秀爽。正統四年進士，累官湖廣
僉事，以詩名。尤工近體。
劉弘字超遠，正統九年鄉舉，歷長垣知縣，順天推官。
東平知州，負氣自高，視世無足當意者。爲文奇古，政
有成績。

許篴字仲樂，正統十三年進士，歷官戶部員外郎。工
詩，每作人爭傳之。

陳勉字進之，正統七年貢入太學，歷官工部員外郎。
以詩畫名。尤工大書，襟度卓犖。見知李文毅。
秦用中字擇之，負才名，與李夢陽、何景明諸人倡和。
以弘治十八年貢，授泰順教諭。
錢文字章靖，爲諸生，累舉不第，乃刻意於詩，爲文縱
橫，出入多微詞，隱義得言外之旨。

華察字子潛，嘉靖五年進士，選庶吉士，與吳陸粲、袁
袞、屠應峻並有才名，當軸不喜出，爲戶部主事，歷
兵部郎中，再入爲翰林，修謨、預、修、寶、訓、實錄，進侍

讀同考會試皇太子立詔論朝鮮賜一品服充使
以行長識遠度名鎮屬國尋以劾罷既而起原官
主南京鄉試拜侍讀學士掌南院事遂乞歸割產
助役清丈田畝剗去虛糧六千石括未科田一十
六萬有奇爲鄉里惠林居前後三十年家本素封
田園第宅甲於江左而食不三豆室無侍媵出入
清華羽儀海外而文詞清削獨契溟滓不異木居
艸茹之言時有姚咨者字潛坤與察善多倡和之
乍亦嘉隆間詩人也

陳籌字廷猷有文學嘉靖七年歲貢擢廷試第一除
沂州知州歲荒不忍其民坐馬價弗辦改漢陽教
授歸築芹野艸堂以讀書自老

施漸字子羽本姓龔氏後於施少出邵文莊公之門
年二十七始爲諸生試不利以嘉靖十五年選貢
遊京師詩名籍甚仕得海鹽丞攝令事二年有惠
政而非其好乞休不待報而歸結廬湖山之間日
事諷詠重交游急貧弱雖甚困未嘗一日無貧姻
舊與其食也子陽得字復徵性恬雅負清節以嘉

靖四年鄉舉除蘭溪教諭擢知富陽終戶部主事
于表字邦正生而纖弱性至孝嘉靖八年進士選庶
吉士改戶部主事乞南就養補禮部歷郎中尙書
費家屬刪定宋史及訂正律例比附每竟一卷未
嘗不稱善移疾歸終念母老乞致仕表居官僅四
載退然與文史爲伍雖醫藥韻書皆有著撰其文
典則爾雅悉傳於理愷悌樂善時有王老佛之稱
王立道字懋中表長子嘉靖十四年進士選庶吉士
授編修有羸疾僦居僻遠下榷讀書爲詩文博瞻

婉切於諸閣老無屏人之謁寡交游未嘗走馬飛
刺再歸再出竟卒於官立道方簡有至性病甚猶
日自記加減以寄慰其親會有后喪必強起易服
曰卽一日未死猶爲朝臣安可廢儀其在鄉黨雖
父子禁近歛飭如諸生年不逮強朝野惜之
王問字子裕別字仲山生九歲能文章嘉靖十一年
舉禮部謁歸越六年戊戌始應廷對賜進士除戶
部主事監稅徐州遷南京兵部南京額設馬快船
七百八十餘艘歲修役卒四千有奇有坐累自殺

者問白尚書官爲捐造畱都至今頌之時邊事甚
亟問預籍武健應募而厚其廩食比罷歸貴尙有
餘或請追之問曰人則弗靳其死以往返而官奪
其餘他日朝廷更下尺檄誰復至者問官南曹迎
其父澤澤不欲行而命問畫三十扇扇各一詩自
朔至晦日持其一以代子之侍於前也比擢廣東
瀕行父愴然有離別之色問內自悲循其裾而歎
久之曰吾終不能爲溫太真矣行至桐江乃賦詩
十二投劾而歸旣歸且暮未嘗去父左右父意所

向無不立至及沒遂不復有仕進意退居縣南寶
界山環植花竹疏流泉葦葦奇石擅湖山臺榭之勝
問工詩善書畫天下士大夫旣高其行而望之若
不可卽遂益重其翰墨購而藏之問嘗自言願屏
居三十年盡讀天下書著述以畢志強仕歸田卒
行其意也子鑑

俞憲字汝成嘉靖十七年進士除刑部主事出爲藩
幕稍遷紹興府同知攝守篆屬邑新昌田賦不均
稅多逋憲分其地爲四則委輸便之時巡撫嚴海

禁而郡縣希旨羅織爲民病憲至其獄悉解再爲
南京刑部員外郎尋擢江西僉事九江饒州兵備
歷山東叅議分守遼陽內修武事而外撫輯其民
備兵井陘兼理三關計禽賊張萬倉崔相等仍領
易州大名道修築邊牆三月集事人服其敏再歷
山東叅政修治章丘博興濟潔小清河諸流息其
水患會入覲遂乞歸穆宗卽位進階正奉大夫憲
好讀書工詩風格蕭雅著述甚富

華雲字從龍少師事邵文莊公寶又出王文成公守

仁之門舉嘉靖二十年進士會當試館職以親老
不待徑歸三年除戶部主事摧稅九江甚著清節
改南京兵部進刑部郎中時嚴嵩用事雲遂乞骸
歸家故富能因之以行其義自親及踈緩急賴之
倣范文正公遺制立義莊以周宗族外祖張福州
遜以廉吏致後人不能自存雲爲修其墓給其子
孫終身邵文莊嗣貧病且弱有欲踞其居者雲爲
改祠以祀文莊乃止築真休園萃古法書名畫其
中雲好與當世賢士大夫游故其一時往來翰墨

之富三吳亦莫及也

王鑑字汝明嘉靖四十四年進士知武定州至則下教與諸曹掾誓曰若所不飭夤緣爲姦利者官有常刑又曰刺史所不自飭借脂膏以自潤者神鑒如之亡何郡伍伯以事揭府帖恫喝諸掾史氣張甚鑑廷詰偃蹇語不遜鑑叱曰若以守故赫我耶吾視棄一知州如敝屣耳遂收之鑑在官用益自勵賦羨贖鍰及州額商車之餘悉不取嘗欲製衣取束帛於市與直誤浮千錢市不敢受卒予之會

編役鑑陰察其腴瘠主名以次甲乙之人無敢欺隱者有貴豪家向不受役鑑援筆署最上其人亦叩首伏入爲戶部員外郎歷吏部郎中謝病歸後以太僕寺卿致仕鑑事父問至孝當在吏部每不欲行而問時時趣之鑑亦日辦裝故以事失期而要諸故人長者爲委曲謝父乃得不遣人以爲問昔在桐江投劾歸養此天之所以報云鑑工畫人物筆法有龍眠之遺

孫一元字虞允性孝友嘉靖四十年舉人三試禮部

不售意寄蕭然有不羈之才爲文辭數千言立就
未仕卒

安紹芳字懋卿爲太學生鄉試以同舍生事被黜久
之得白入北雍試不利乃棄去專爲詩歌古文紹
芳本名家子所居膠山西林廣池十頃帶以華薄
蔚然深靚曲橋飛樓逶迤夭矯雜置圖書彝鼎其
中每諸名士過從置酒刻燭歌吹間起至忘日夜
嘗自爲西林纂王世貞輩爲之記紹芳善畫得黃
公望法今亦高價矣

顧起經字長濟更字玄緯榮僖公可學弟子爲可學
後七試於鄉不售益浸淫墳典以博雅稱從可學
官詞林大學士嚴嵩知其才要置直廬屬爲應制
之文起經逡巡謝不能去以國子生謁選授廣東
鹽課副提舉兼署市舶會暹羅琉球滿刺加舟至
起經逆之於海颶風作榜人惶遽而起經匡坐自
如諸酋覘之以爲神羅拜之故起經所得海外珍
異甚多嘗登羅浮觀日出於朱明洞天泛輿市歷
羣島其遊宦雖陰藉嵩力而負才氣不能甚下人

金集元 卷二十一 十九
嵩壻袁生者爲叅議奴視其屬起經長揖徑出曰
吾尚不爲爾婦翁客而辱鼠子乎少詹事黃佐修
廣東西通志起經與黎惟敬歐楨佐之佐甚重焉
起經所撰著幾充棟載著述部

顧起綸字立言起經弟爲從父可賢後可學愛之挈
之京師代爲祝釐應制之文多當上意以國子生
授雲南某衛經歷有宦官挾數緹騎以鮑司禮指
求金於黔公所過橫甚手批殺驛卒起綸謁鈞致
其微立辨非是乃遁去遷鬱林州同知援葛洪句

漏事以正夫司農檄徵丹砂之誤旣歸有別墅在
惠山寺塘涇之上富泉石豪於文酒之會大冠高
幘著紗縠單衣曲裾垂後交輪出入閭黨目屬之
好讀書工古文詞善書法在滇與楊狀元慎皇甫
司勳沔時有倡和之作輯明諸家詩名曰國雅

尤鏜字伯聲父瑛別有傳瑛卒官鏜奉其喪過錢塘
幾覆有反風之異鏜窮覽載籍爲文旣肆而馴下
筆不可了以太學生授邛州判不赴而歸家貧友
人爲築雲鴻館以居之窮年著述見聞所及無不

注錄自爲生壙於先人墓傍預乞銘記所撰諸編合有三百餘卷

鄒迪光字彥吉萬曆二年進士授工部主事累官湖廣提學副使擅衡鑑楚士實愛而歸之以吏議罷送者數千人生祀之濂溪書院迪光罷時年才及強憤抑不自得乃以其間治園亭惠山之麓重廊複榭疏泉架壑與當世名公卿文士游宴其中極聲伎觴詠之樂幾三十年有集數種合三百餘卷醲艷繁縟微歎風骨輔以勝情豪舉一時聲氣奔

走幾與王世貞輩後先狎主文壇卒年七十餘子德基字公履負不羈之才工詩文書畫好爲驚絕之行不容於時爲盜所殺或曰其讐也時有葉之芳者字茂長以詩名與安紹芳游甚見推重見王世貞西林記中好使酒罵坐迪光外相延重而心頗苦之亦豪士也

華淑字聞脩讀書善病有小築曰斷園引客倡和其中於詩苦心數十年頗隨逐時好而久自陶寫亦別成杼軸同時呂自咸字誠之工詩晚律尤細

周夢華字公西性狷介深心經學不爲雷同能古文
詞崇禎乙亥選貢生注授推官未仕卒門人邵儒
榮亦以古文名

黃家舒字漢臣少負才情有當世名而久困諸生間
甲乙以後遺棄一切體素清羸與病終始坐臥斗
室交牕密護秋風微振已襲重綿竟日之需脫粟
半噐而已知府宋之普聞而重之欲致一見委曲
至再卒謝不往至若知交過從討論今古談讌旣
淡流連景光感慨係之其學無所不探皆務究根

一 祗文章典縉金聲玉亮使牽率底滯者自廢晚學
於靈巖息心禪乘而究以西方之教爲無弊故日
從事焉無子門人馬翀輯其遺文以傳

馬瑞字爾采世名子世名少與兄世奇齊名天啓辛
酉舉人崇禎中以薦授知州平居鄉里稱長者年
八十五卒瑞崇禎十六年進士除吉水知縣不赴
旣而改應天府武學教授遷國子博士方江南時
大學士馬士英頗招致之一時稍通譜牒則立致
清華瑞固拒不報歸後讀書奉佛徜徉山水間蕭

然若儒生以終

馬壬玉字彥豐文肅公世奇子方文肅官京師蔭藉高華一時干謁請求刺促望塵倚爲梯媒壬玉心鄙之輒杜門以絕所居蕭然視北惟華嚴圓覺諸經時時雜置左右文肅殉難旅視東歸亂首垢面委頓累月請卹南都目擊時事歎曰定鼎門西名利如舊而國家陰陰猶日將暮因黯然神傷無復人世之意爲詩文寄託幽咽自寫無聊一日過虎丘疾作不欲歸卒於舟中先是有彌陀摩頂之夢

自知壽不得長臨時手斷頂髮命以沙門服殮

國朝

後漢書

顧宸字修遠崇禎十二年鄉舉宸自明末及國朝

操文場選事數十年每辟疆園評本出一懸書林

黃不脛而走他選不敢望焉由是遂有盛名於天下

所至逢迎接跡筐篚縞紵之贈踵於遠邇宸亦好

書所藏甚富嘗輯宋文選刻之爲世所賞晚歲頽

唐縹緗盡矣蠶飄飄員衣視卒焚京誠報吳蠶報

唐德亮字采臣當明季年文體踳駁德亮以韓蘇之

書氣用之應舉之文試輒無前順治九年進士授戶部主事管京糧廳歷員外郎卒於京邸時吳濯時字漢若博涉有清才頗傲於物與宸及德亮並稱而獨落泊以老齒齒齷齪之觀風以齒齷齪亦我黃傳祖字心甫好刻若爲歌詩爲竟陵鍾譚之學選明以來詩名曰扶輪正續凡四五集性率易好飲酒晚益貧具借諸家文集於知交間行坐手抄欲有所選刻竟不能也

鄒初基字白心棄諸生後村居杜門從事古學經史

之外傍覽百家晚通禪乘年八十有九未嘗一日廢讀所纂輯甚多

蔣遵路字路然少習舉子業卽好讀古人書竟覽輒不忘初爲詩與吳人張澤同邑黃傳祖輩從事竟陵之學旣而悉焚棄求之漢魏盛唐遂下筆無近語事父母至孝遭骨肉之難未嘗幾微介於其中重交游視良田廣宅無不可以與人者家故富坐以日貧落拓無聊終不可改亦不自知其困也世秦係寅字樂天在交遊間退然唯恐先人雖衆坐呼

笑靜若獨處或時發言輒多微中內外事有所難
往往用心獨苦讀書兼綜條貫所爲詩刊落世切
獨標清冷中歲棄諸生能醫偶爲人處方輒效修
志之役本約共事及書成遂爲作傳云介然其中
馬翀字雲翎壬子子暑鬢凝重宛如成人讀書不待
師授偶涉經史皆頗自通解年十餘作游仙詩數
十首有幽詭奇絕之語長有異才領康熙十一年
鄉薦體弱善病與其師黃家舒皆篤信釋氏淨土
之說力行之如不暇給乃至鳥獸蟲魚必脫之刀

俎而後卽安年三十卒

無錫縣志卷第二十六

忠節

刺賢之表因言漢海之情裕委國連故宋舊

處天下之變而致命當國事之失而極言不可謂
人臣之幸而天地之正氣萃焉無錫風尚近柔然
刺祇不乏奇節之士蓋所涵濡於禮義者深也志忠
節第三十八

漢

噴立高其膺符與之龔此為表塋墓主自為

虞俊字仲卿少以孝友稱於鄉黨明春秋公羊左氏
傳哀帝時為御史稍遷丞相司直王莽執政左遷

新波令尋召爲司徒後欲遁歸遂見迫脅仰天歎
曰吾漢人也願爲漢鬼不能事兩姓飲藥而卒光
武卽位高其節行與二龔比爲表塋墓

南唐

三十八

陳喬字子喬其先自廬陵徙無錫喬遂爲無錫人仕
南唐爲觀察判官烈宗頗器重之遷尚書郎拜中
書舍人元宗旣失淮甸耻其降號將授幾務於太
弟而陳覺之徒因有窺竊之計欲委國事於宋齊
丘而取之喬排闥入諫元宗驚悟乃止於是引喬

入見后及諸子指曰此忠臣也他日國家有急汝
母子可託之及元宗南遷留喬輔太子監國後主
卽位遷禮部侍郎翰林學士承旨門下侍郎兼樞
密使遂總軍國事宋開寶中太祖遣使召後主入
朝後主欲行喬曰陛下與臣俱受先帝顧命委以
社稷今往而見留則國非已有梅將何及後主於
是連年拒命實喬爲之謀也及城陷後主自爲降
款俾喬與世子仲寓開門納之喬遽歸府投款於
承雷後主促之亟喬不見曰自古豈有不亡之國

降無益也臣謂宜城下長戰而死後主執喬手曰
盍與我北歸喬曰臣當大政而蒙國家如此非死
無以報臣死而歸臣以逆命之罪陛下可無恙也
掣手而去入政事堂自縊死吏撤榻瘞之後宋太
祖命以禮改葬焉對不與對與受表帝願命委以
宋對不與對與受表帝願命委以

袁植字材老况默黠在文苑傳植崇寧三年進士第
復中詞學兼茂科官監察御史金人入寇陳邊防
十三事以誅佞人爲先不納引疾致仕建炎初召

爲左司諫直言忤宰相出守岳州會北騎大入叛
臣李允文據鄂州大剽荆湖植條其姦上之允文
中路得遞疏怒勒兵趨岳陽執植植正色詆之不
少懾遂見害於武昌事聞追贈直龍圖閣錄其後
二人

陳炤字光伯少工詞賦登第爲丹徒尉旣而入帥幕
改知胸山縣仍兼主管機宜文字丁母憂歸北兵
至常州守趙與鑒走匿朝議以姚崇知常州嘗以
炤知兵辟爲通判或謂炤應辟且難有辭炤曰鄉

邦淪沒何可坐視與其偷生而苟全不若死之愈也遂墨衰而出率義兵戰禦自夏徂冬不下以功加帶行提轄文思院有降將言常虛實於敵攻益急元丞相伯顏自將圍之常兵阻濠水為陳矢盡亦不降城破嘗死之炤斂兵巷戰家人曰城東北圍未合可走常熟達臨安炤曰去此一步非死所矣日中兵至死焉事聞贈嘗龍圖閣待制炤直寶

章閣並官其子

宋史本傳

按陳氏世居邑東門外之陳巷橋田百頃且有質庫炤長子曰應龍常州被困時會九月十三

日炤生日也應龍自無錫入郡稱壽因悉取積庫衣貲并酒千百甕裝二十艘持以犒軍頃之伯顏兵抵城下者且二十萬炤因謂應龍曰事亟矣吾必死此汝速歸無錫守先人之墓廬勿再來無益我死應龍日莫慟哭出城乃傾其家所有金粟募勇士佐軍實十月城破炤死錄應龍官將仕郎詔立廟毘陵有司復為祠於九龍之麓以祀焉宋既亡應龍布衣屨履以力耕教子終其身元至正三年詔修宋史應龍子顯曾已老走三千里持其祖死事狀告於史館史館諸臣慎重不輕信私家言久之於國史院庫得宋德祐日記載炤事甚悉乃為立傳有余闕復陳景忠修撰書

明

馮不風云之說則不昏觀晉裝太叔公辭壽之

俞德惠字用濟洪武中舉經明行脩授行人司行人

奉命使蜀再使廣西值寇亂德惠驅車徑前卒與賊遇不屈死之道阻不得歸骨葬衣冠於繡嶺之

下

李孟善字宗吉洪武中舉明經拜監察御史太祖一

日以事將殺學士宋濂孟善力諫帝怒戍遼東

陸士隆字季平洪武中舉明經拜監察御史抗疏發

胡惟庸姦狀忤旨見殺妻及子皆死之劉基爲作

忠節孝三歌

葛桓字仲威洪武中舉明經拜監察御史素與李景

隆不協靖難兵薄京城景隆開金川門桓死之

施武字宗武洪武中舉明經拜監察御史以言事謫

渾源州亂嶺關巡檢死於謫所有衣冠墓在大池

山中未詳所坐何事

吳肇字友山洪武中舉經明行修拜監察御史建文

君嗣位見齊黃削奪諸藩過亟嘗從容引漢事言

李景隆非周亞夫之比頗見優納會父憂歸未幾

靖難兵渡江聞京師失守且宮中火因北向叩首

慟哭曰臣有老母在未能殉也奉母挈妻子逃之

山中或言尋變姓名從亡楚蜀間有人識之於西
平侯第正統中禁解而歸卜築於常之孟壑母尚
在託醫以養及母年九十餘卒遂不復爲醫肇年
亦八十有四

徐弼字子相葛桓姊子也方孝孺以桓故知而薦之
官工部主事奉使秦楚諸藩以覘從違歸報進兵
部郎中叅曹國公李景隆軍事密奏景隆凶悖有
異志爲景隆所陷下詔獄戍甘肅及靖難兵入景
隆開金川門桓死之成祖卽位治姦黨弼爲景隆
所殺族人逮死者三十餘人妻死無子之妾發功
臣家爲奴卽日皆自經死

儲福字

洪武初隸燕山衛籍好讀書慕顏真卿

文文山之爲人建文末挈母韓妻范逃去成祖卽
位詔購戍卒入伍福在籍中調曲靖衛當詣京師
乃仰天哭曰吾雖一介卒伍義不爲叛逆屈復挈
母妻以行在道中日夜泣不輟竟不食死妻范年
二十美姿容奉姑甚謹每哭其夫輒走山谷中發
聲長號不使姑聞貧無以自存一日浣於澗上見

旁有席艸因織席以養姑死居守墓旁至年八十餘卒既卒艸亦不生土人異之即其所居葺為菴

名曰崇孝

萬曆中巡按謝廷杰檄縣錄忠孝遺事以福生乃祀其夫婦於湖濱靜慧寺之側春秋致享及南都建表忠祠凡祀武臣十有七人福以衛卒贈指揮使謚貞義又祀婦女六人贈范淑人謚孝節

高曇字景雲以國子生除漳州府通判正統十四年

討鄧茂七府使曇督軍餉次於茶舖遇賊將略其芻糧執至琥珀嶺見賊將脅以刃曇厲聲罵曰逆

賊無狀上勞王師下毒百姓即日且斷爾首懸市

上敢肆猖狂殺爾父母賊遂殺之事聞贈工部員

外郎

顧可久字與新正德九年進士授行人武宗將南狩

可久倡同官上言陛下輕萬乘棄九重忽垂堂之

戒而甘馳駿之遊縱不自惜如宗廟太后何上怒

廷杖之左遷國子學正世宗立錄諫臣擢戶部員

外郎會追崇獻皇議起可久復上疏極論再下詔

獄杖於廷出守泉州歷贛州擢廣東副使備兵瓊

海按行諸部相其扼塞要害纂爲圖說峒黎出掠傍郡按圖循跡幾空其巢未幾免歸可久好讀書工書學鍾繇法四世孫煜鏞皆進士著有政績楊淮字東川正德十二年進士授戶部主事被命監出納者四皆與中官共事積敝膠蔓淮悉革除之中官恚甚絕其供饋食常不飽歷郎中嘉靖初將升興獻之主於廟淮與同官繼大臣臺諫之後抗疏執奏其明日伏闕候命未得衆號慟聲徹於內詔執其疏首八人餘人固伏不退遂俱送詔獄越

三日詔杖於廷淮氣體孱弱當羣伏時或言自逸可免否者且不測淮曰吾小臣効其區區之愚聞禍而逃非初心也旣杖病創甚臥一月而卒殯於城外子女伶俜貧不能歸尚書秦金爲經紀其喪以行時同杖者無錫又有兵部郎中華鑰

曹懷字于德正德十二年進士選庶吉士改戶科給事中武宗將南狩廷臣伏闕下諫者百五十有五一人懷與焉詔杖凡死者數人而駕卒不出歷吏科遷兵科左嘉靖初詔廷臣集議大禮忤旨下詔獄

杖於廷懷與焉既而劄甚呻吟中再疏論當事諸臣有五鬼刺天五經掃地之語聞者股栗然竟得不罪奉命稽察甘肅倉儲兵器出守永平調思恩致仕

張選字舜舉嘉靖八年進士知蕭山縣稱循良擢戶科給事中會太廟祫祭帝遣勲臣代行選抗疏諫伏闕下候旨帝御文華殿覽疏震怒詔杖八十至三折其挺選無委頓意謂杖者曰吾罪甘死但恐累明天子有殺諫臣名奪職歸世宗大漸遺詔復

原官進通政司叅議隆慶中進階朝列大夫

黃正色字士尚嘉靖八年進士知仁和縣再補香山移南海其座主霍文敏公韜家南海諸霍喜以爲令必庇我及至有犯者一繩以法諸霍怒馳書訴於韜然亦卒以自戢擢南監察御史劾尚書張瓚武定侯郭勲會章聖太后梓宮祔葬承天荆山侯崔元禮部尚書溫仁和宦官鮑忠奉命輔行在道橫甚正色列其怙寵贖貨諸不法狀上疏論劾世宗初大怒將窮治其事諸人懼誣正色於梓宮前

乘馬揮扇遂逮詔獄將必殺之霍韜力救得廷杖
戍遼東瀋陽衛正色卽日囚服荷戈趨戍所著伍
臺使者葺書院以居之不可間以易教授遼東士
人士人多樂就之自是三十年未嘗一離尺籍穆
宗卽位詔以原官擢大理寺丞歷少卿進南太僕
卿致仕祀遼陽三忠祠

馬世奇字君常祖濂別有傳父希尹字惟任萬曆中
當序貢以讓其繼謝生謝生者後希尹食餼而試
頻殿且不得貢故希尹讓之後二年始以貢元授

太倉州訓導擢平樂教授尋歸以文行爲鄉黨師
後以子貴封如世奇官而操行不改其舊世奇崇
禎四年進士改庶吉士授編修疏劾吏部尚書閔
洪學濁亂銓政樞臣用非其人以致封疆日壞及
會推兵部尚書世奇再疏極言之十一年奉使勅
諭諸王賜予無所受遷左諭德兼侍講掌司經局
印時賊勢日逼嘗對便殿言用兵以人心爲本今
賊所過民輒附之非附賊也官兵所至民不堪命
而賊因而用之故今日之務莫先於約束部伍以

固民心十七年三月京師破一時言帝已南幸世
奇肅衣冠奉司經局印北向再拜授其僕間道走
行在乃南向拜母二妾朱李暨諸僕皆泣忽二緋
衣賊露刃入僕走匿賊睨世奇世奇不動賊馳去
遂率二妾闔戶自經家人還救之朱已死世奇與
李復蘇僕環守謂太夫人在主奈何死世奇曰吾
正恐不死辱太夫人也爲書報所善兵部郎成德
曰今日舍一死無別法幸勉之德得書死之世奇
夜乃盡焚其圖書袍笏復貽書誠子壬玉善事太

夫人及明朝士數人至見世奇纒痕在頸皆泣下
言上且南幸世奇曰諸君休矣吾意已決於是李
氏哭而前請先死則予之悅縊於坐側世奇歛二
妾畢麾左右出乃書其壁曰馬世奇同二妾殉此
自縊死時年六十有一

本朝順治十年賜謚文肅

龔廷祥字佩潛世奇門下士也嗜酒落拓年三十餘
人無知者世奇獨善之舉崇禎十六年進士後授
中書舍人及乙酉

王師下江南將至江南主出亡廷祥曰吾不可以負吾師因痛飲醉自投秦淮行人皆聚而觀廷祥恐救已躍出水面搖手者三而沒

王孫蘭字晚仲崇禎四年進士授刑部主事進員外郎出守成都再補紹興進廣東副使備兵南韶徭獞反誓師湟川頗有斬獲既而楚寇狎至所過無堅城而戲下士不滿百連州陷樂昌乳源仁化自潰韶吏民絕而逃禁不可止城中幾無人孫蘭乃仰天歎曰嗟乎事去矣再拜自經死孫蘭死而賊

竟不至

其明年以巡撫都御史
邢彪佳題奉旨優卹

華白滋字紫梁官養利州學正交趾入寇城陷具衣冠死明倫堂妾姜氏殺其三歲兒從縊焉

孫源文字南宮繼臯子雖爲諸生而非其意善飲酒好讀書頗類滑稽玩世者其學經史百家無不畢覽軀體短小服古衣冠慷慨語天下事或古今成敗莫不窮其源流被服忠孝至性過人崇禎十七年五月聞京師失守帝死社稷源文行坐悲泣無間晨夜及秋賦聞鴈詩曰少小江南住不聞鳴雁

哀今宵清枕淚知爾舊京來未幾咯血聲瘖淚盡
而絕
嚴紹賢字與揚一鵬兄子素倜儻不事齷齪細行爲
老諸生五試鄉闈不售歲乙酉天下事迥古今
王師定江南六月薙髮令下紹賢不告於家自經寢室
一婢逸其姓從死焉

過俊民字尊伯崇禎十年歲貢授常熟訓導再補臨
安會兵潰邑吏皆望風而遁民遂倚俊民爲守八
月上丁俊民方攝祭文廟兵卒至被執不屈縊死

功臣山

國朝

華鍾本姓秦氏永曾孫順治四年歲貢授富川知縣
從大兵以行三年乃蒞其土撫叛歸俘拊循甚厚
民漸復業亡何滇寇大至被執賊從容勸降鍾大
罵尋就縊守者覺而救之乃挾以行方渡江中流
鍾伺間投水死事聞

詔贈按察司僉事予祭葬官其子泚今戶部主事

張令憲字嘉仲順治四年歲貢授香山知縣滇寇破

香山令憲及子丹翰皆見殺事聞

詔贈按察司僉事子祭葬錄其一子今孫進當承襲

孝友

讓王之鄉豈乏孝友然而天性不可以爲名特非常者傳耳身則盡其力而述之亦無述焉窮陬委巷之中多有之矣極其致雖殺身成仁庸愈乎志孝友第三十九

晉

華寶父豪義熙末戍長安寶年八歲謂曰須我歸冠

汝長安陷豪死寶年至七十不婚不冠或問之輒號慟彌日不能答齊建元三年與同郡薛天生劉懷亂並表門閭事載南史

宋

許九本田家子早喪父獨與母居淳化三年饑九往來城邑求食養母人厭其數多斥之九絕粒病數日時牟麥未登九刈青煮食得強起念母終不得食哀痛不忍俱死因持斧自斷其手手斷血不出人皆異之九乃繫斷手杖頭示信於市於是衆皆

哀感爭餽盤飧母子得全進士孫浩以其事聞於
令令謂九傷毀支體不孝逐之浩與俱去常州留
養於家九每與母同出累日不至浩所浩問之曰
所得幸足供母不欲數累長者浩益憐之爲置緇
衣衣之居歲餘母死九服所得緇衣漆其斷手口
誦浮圖言與母俱卒

元

張阿蟠生甚微致和中歲饑從父母就食晉陵父卒
家益貧蟠方成童傭於馬氏馬染工也蟠因善其

業主愛之歲益其傭直蟠乃盡其力之所能得以
養母暑月夜自焚艾以驅蚊蚋窮冬雨雪爐未嘗
斷薪積二十餘年母年六十有五而卒昇喪歸葬
哀感傍人

李元昭字昭伯晦之子嘗爲慈湖書院山長父沒哀
幾滅性廬墓四年墓有四大樹遂結巢樹杪而寢
其中翼風雨晦明見父魂魄也晨莫號泣羣鳥和
之至習焉而不復相驚辟命日至終不出年八十
餘

明

李步行城東賣菜傭也早喪母每晨出鬻菜得錢以奉其父父嗜酒飲之必歡未嘗斲缺見時物於市購以進雖高價不少後體常無全衣而父周身之具無不給一時鄉黨間或其子有不順者父必讓曰爾何不學李步行

陳阿皮早孤養母母死而貧乃鬻身營葬嘗墮大水人莫能援為漁人網得之得不死人皆謂其至孝所感

華初武字彥清父鉉早死母陳以貞節聞詔表其廬幼武與羣兒戲於庭聞母語生平事輟戲而慟母問之具言所聞痛切於是母亦泣下事其祖若仲父至孝羣從未嘗析產異居母老喪明日召親戚與母善者歡讌無虛日又構貞節堂春艸軒以居之晨夕左右以終其身晚自號曰栖碧

褚鳳字廷儀讀書能文章為諸生世居學前南橋父伯欽年八十老病家貧弟幼妻又死鳳旦夕扶持清明父命祭掃不得已而行比歸隣火父死焉鳳

卽日葬父畢遂斷火食惟飲水噉草木根皮傭書於顧氏得傭直悉爲松楸封樹之用踰半年事畢告其弟曰可自力圖早娶以延父祀遂負薪於墓聚而自焚宣德九年十月朔也

全純字原赤事母盡孝母卒哭歲餘而瞽鄉里聞於官巡撫周忱餉粟布固辭不受曰使純能孝則目不盲矣忱歎曰如是純目當復明已而果然

秦旦字永孚奭字仲孚父旭以長子夔貴封武昌知府旦奭家居侍養四十餘年父嘗患心疾醫謂得人胸間血乃可療二子遂爭剗胸出血和酒以進父疾竟愈母傷膝剗潰則二子以舌舐之旦忠厚沈默擇言而發奭直諒多才藝操行異而俱以孝稱監司聞於朝憲宗詔旌其門曰雙孝後旦子鏜奭子鉉亦有雙孝名鏜另傳

唐恒字公常年十六喪父惟寅與母居會成化十七年七月大雨水裂龍山之麓以出恒父塚當其衝恒負土填壅不能止又貧不能改葬亡何母病且屬纊謂恒曰卽我不幸如墓水何恒痛母言卽以

鐵索繫頸仰天誓曰恒不徙墓不去此鎖矣然力終不能辦後六年恒病革其戚友將爲脫之恒捫鎖淚橫下曰吾解此何以見吾母地下竟抱鎖死是後水漸殺墓亦不傾正德中巡按御史東郊聞而祭焉

蔣朝憲少失父母哀慟死而復蘇貧不能葬席藁枕塊者三十餘年問其先人淚迸注不能語邵文莊寶亟道其行衆感而賻之乃得葬

秦鏗字國和旦子性坦夷遇義激發母張病痿且瘖鏗以意揣其所欲而調護之坐臥躬自抱持積十九年不懈鏗領弘治十七年鄉薦自母病不赴會試比母喪服除而鏗年已老乃授南京都察院都事卒子淮字伯川父疾會有試事父趣之行乃陽治裝而潛留省侍以貢授辰溪知縣瀚字叔度爲始後於吳然往來定省終其身無間焉

秦銳字國英夔之子夔官布政使而遺田不及三頃銳執喪廬墓盡其禮事母沈曲承其志倡建始祖淮海祠設祭田以供祀事後卽以銳配焉銳太學

生授浙江布政司都事

秦勵字邦哲始爲諸生以貢入太學謁選而父沒遂誓不復出築室父墓傍歲旱水涸忽有泉滃然衆皆賴之名之曰孝子泉引例遙授徐州州判又以子偉封應天府通判營葬白龍山自爲誌而乞邵文莊公爲之銘裔孫詔以孝友稱又公錫有獨行浦瑾字文玉弘治中南塘火風急熾甚將及瑾廬長老皆望而歎曰怡靜翁方在殯也瑾慟哭呼天叩額血流被地須臾火越其廬焚其左右各數家而

浦室巍然獨存人皆以爲孝感瑾美容止少時有隣女登墻而誘之不爲動舉正德六年進士方對策時御筆已署第一人及啓其名與逆璫同乃大怒詰責瑾輔臣曲爲之解得抑置三甲除麗水縣三月而卒方病革子應元日夜哭泣呼天請代竟不起乃自經以殉處州守黃體行曰篤孝哉爲上其事而旌之又子應麒嘉靖十一年進士官春坊贊善有文名門人華諫正德舉人亦以純孝著俞鎧字武元童卯不慧讀書必百過然所記常倍於

人稍長舉足徐行不亂尺寸性至孝家貧授經以養督學御史廉其狀俾越次補貢入太學鎧以母老辭不赴既喪母廬墓四年強起就試順天中弘治二年鄉舉年五十餘授長興教諭卒邵文莊寶俞紹祖長興教諭鎧之曾孫寶之子紹祖嘉靖中倭躪江南父貫病癱不能行紹祖倉黃負貫竄匿遇賊將殺貫紹祖號哭請代遂遇害而貫得免棄於塗遇老僕乃負歸

吳汝憲字道卿性樸誠不苟言笑邵文莊公寶以女妻焉爲諸生見黜寶爲復之汝憲不屑棄去服皂帽終其身兄某嘗坐事繫獄汝憲因自囚一室籍艸食糲一如獄中人勸之輒泣兄釋而後出嘗貸金於人已而其人被倭害訪其妻已嫁乃遍求得其兄弟而歸之

折足老人嘉靖初人其子負之乞於道得少物必進父父棄其餘子始食歷十餘年父卒子慟曰父在冥途孰負之行遂死父傍

蔡元銳太學生居控江門外倭亂具舟奉父軫入城

父未卽行賊掩至乃與兄元鐸將翼父而升諸屋
銳遂爲賊所執殺於道中鐸以父免未知銳死明
日持金詣賊求贖兄因并遇害事聞旌其門曰孝
友

浦劭字成德倭至執其父應虞去劭與弟濬謀往代
父遇他賊於塗劭惶亟遽前道父形貌問安在賊
不應固請遂殺之及明日父歸又明日弟亦歸乃
收劭骨葬之石室山下應虞痛之甚爲劭主置牀
頭每出入必呼而告之曰老人無恙

王宗字振之父伯常世高貲以俠敗其家妻死自備
於惠山僧舍宗年十三慟哭迎父歸止於外家旦
暮負薪以養旣二年拾遺囊於道俟其人至而還
之則報以三緡受而買二驢負載取直父養稍裕
又十年始僦屋三登里娶妻生子痛母早世終身
不飲酒食肉當宗策蹇時爲富民張江齟齬瀕死
後江與強銘訟久不相下會銘一奴死遂誣江殺
之知宗之讐江也餽之金而引爲證及就訊宗慷
慨明其始末還所餽金於官修三登倉人皆義之

其子曰澤澤子召問問子鑑皆登第餘人皆避之
衛邦青城鄉人與弟國樵五浪山中遇虎伏巖下相
去尋丈邦曰吾兄弟不兩全矣我已有子汝方婚
可速去國不應持刀大呼赴之虎奔逸竟皆免
嚴朔字子期七歲而孤與兄皆撫於叔氏朔奉母周
至孝周病甚朔中夜具衣冠露禱請以身代人無
知者母病果愈旣而朔疾勢且劇自謂此代毋得
請因謝醫藥不御然久亦得安叔氏卒無子朔以
次當爲後兄窺其遺產厚欲專之朔曰幸甚吾後

吾父又何求焉悉讓不取爲里塾師以給母方教
授邑西泮溪橋倭至人皆驚竄朔矩步入城及城
而復將取書硯遇賊被執使爲導不可遂見殺天
啓中以子一鵬貴累贈通議大夫南京通政使司
通政使

吳聘字子來有行義以孝聞學使者將越次貢之辭
不可遲之又十二年後除京衛武學教授遷南國
子監典籍會滿考請移贈其父而格於例聘泫然
曰吾先人終布衣地下乎爲子無狀敢濫上恩遂

并本身告亦置不請仕終廣州通判初父年大耄而困未疾聘晝掖以行夜伏牀下伺喘息冬月體溫湯器以進凡十餘年
林沐字自新父死而貧營什一以養母兼撫諸弟其季賈荆襄罄其貲被惡疾而歸沐匿之別舍療治既差乃引見母且更資之母嘗患疾暑月思黃雀又冬思噉蟹沐竟求得之以進後母八十餘而卒謂沐曰吾生死賴汝無憾今長往願而子事爾亦如爾之事我耳沐無他奇行而十預憲旌人皆呼

爲林孝子

黃應元字岫瞻六歲喪父母楊守志積四十七年應元事之未嘗幾微不如其意初就外傳與羣兒戲母見切數之繼以泣應元自是終身不事嬉遊每應郡邑試母授以資常不敢盡用歸而敬持所餘以復於母其他事多類此

陸爻字時貞邑之東市人家貧力養母年七十嘗病爻夜禮北斗及東岳願以已算益母周旋坐起又十餘年而卒嘉靖乙丑詔旌其門

嚴紹宗字與德一鵬子朔孫少博覽有才名爲詩文
筆不停綴雅有理趣天啓元年副榜恩貢後襲父
蔭旣數試南京不利會父年近大耄無他兄弟遂
絕意科舉父任亦不謁選晨夜寒暑飲食寤寐未
嘗甦離當明之季年人參踊貴廢產以給而不使
父知一鵬晚沐存問以至賓筵樹坊沒而請卹營
葬諸費甚鉅比其粗畢則負郭盡矣紹宗嘗曰吾
父之產仍爲吾父盡耳人子何力之有常一鵬引
年歸以耆齒頤德爲鄉祭酒垂三十年事皆紹宗
代決而桑梓遠近無間言衣冠修偉蔚爲人望晚
乃益貧鬻宅居城隅別業病數年而卒遺命必葬
我先考諭瑩之傍

堵胤錫字仲緘父維常禱茅山夢神予以牧牛童而
生七歲喪母十一喪父卽毀頓過人崇禎十年進
士自陳幼失父母爲人子未嘗一日奉養願賜假
歸廬墓三年然後就職詔從之墓有枯桐再花人
以爲孝感授戶部主事推稅杭關歷知長沙府進
湖廣提學副使沒於王事從子孫正從之官先死

之
周後字養蒙弱冠喪父里之姦黠構其弟訟後於官而牟取其利後竟析已產之腴者予之計乃阻亡何又構弟與他族訟數年產且盡則奪兄之田百畝以獻勢家及後疾猶再訟兄於官後皆不爲動將死誠其子善事而叔無銘吾墓以彰厥愆家人盜後廩中麥卒遇之其人皇遽失措後徐慰諭卒與之麥子淑孫懷忠皆以長厚名

周懷忠字士克郡諸生性尤至孝父沒哭之失明弟爲豪家齟齬懷忠傾囊禦侮怨讐化之平時好讀南華常不去手學本經術書法晦翁世載其德人以爲有萬石之風焉

丁明俊字彥超邑諸生仲兄土豪嘗以科場事罹法其父本儒生懼禍甚幾無如其子何明俊左右保持其間甚力始得釋父之憂以全其兄晚與伯兄明英堵舉人景濂倡復同善惜字諸會

高應豸年十八聘妻王卒會父病須其痊續婚竟不起應豸遂不復娶雖姝麗在前未嘗注目亦不飲

酒食肉崇禎中旌
 陳志夔業賈事父顯策生死能盡其力崇禎中旌庚
 午以建儲恩給章服

國朝

劉果遠字千之順治四年進士累官湖廣提學僉事
 為政清謹事母至孝俸餘所置產悉與其弟共分
 之人推其篤行

蔡汝騏字養恒父客楚久騏問關訪尋不欲歸則迎
 母入楚既復奉父喪還吳屢瀕危險心力並瘁家

木洞庭晚徙無錫遂世居之

董宗伯其昌為之傳

無錫縣志卷第二十二

行義

燕齊泲中梁國之吹丈人曾謂坐於

孔子曰不得中行而與之必也狂狷乎夫人抱區區之志好行其德或介然有所不為此誠有所長不可以利害奪也若張翼徐吉為邑排難而不受辟命豈亦慕魯仲連之為人者歟志行義第四十

漢

孟憲以上信舉為平報信貢來餘縣於此憲

王闕字選公明易及天文郡舉為主簿更始中守山陰令補侍御史遷冀州後拜謁者僕射終陳留太

守不交豪強人號爲王獨坐
高岱字孔文性聰達輕財貴義所友皆世之偉人太
守盛憲以上計舉爲孝廉許貢來領郡岱將憲避
難求救於陶謙憔悴泣血謙感其忠勇有申包胥
之義許爲出軍岱還而貢已囚其母吳人皆爲危
悚岱徑往見貢才辭敏達好自陳謝貢卽出其母
孫策聞其善左傳乃自玩讀欲與論講虛已候焉
爲媚嫉者所中策遽囚之知友時人皆露坐爲請
策登樓望見數里中滇滿惡其得衆心遂遇害

宋

沈樗字斯年性純厚樂善家本饒貲好施與人貸之
或不償卽折券無靳色歎歲傾廩賑惠常以金助
軍興數至萬緡州上其事於朝欲官之樗不願朝
廷嘉之賜號達義處士

費肅字懿恭少好學穎秀拔俗太觀二年進士第復
以薦除秘書正字靖康末高宗開府於鄆肅主饋
運及駐蹕廣陵首召入館旣遂歸隱錫山建炎末
御史中丞富直柔薦肅與陳與義張翥三人乞召

用立人赴闕並躋顯仕肅獨抗節引辭叅政張守
累寓書謂肅有幕府之舊宜先衆人行卒不起未

元

善義

強以德字振之二歲而孤弱冠學成授采石書院山

長歷儒學提舉以母老棄官歸構義學延師以教

鄉里子弟捐田千畝贍之又買地四頃爲義塚於

粲山以葬邑之死無歸者有司土其事表其門曰

善義

明

張翼字飛卿長七尺頽顏而髯讀書好氣節雖時貴

人言不循理必面折之當張士誠陷無錫盜販之

徒首纏絳帕執戈矛巡門嘯呼民情洶洶恐旦暮

屠戮翼不爲異徐達破姑蘇遣胡廷瑞帥師攻無

錫僞吳將莫天祐固守達命使諭降天祐殺之達

怒檄廷瑞曰卽不下屠其城於是翼與儒士徐績

徐吉往見天祐說曰西吳兵亟矣願將軍孰慮之

天祐曰吾受主厚恩誓當一死報國翼曰死而有

益則死之若名辱身喪而無救於主之亡徒自苦

耳今胡平章舉十萬之師壓境生民之命懸於將軍將軍醜然改圖則上不失名位而下免數十萬衆於荼毒將軍豈無意乎天祐沉思久之擲帽於地曰誠如君言吾不愛屈已以事西朝獨如其失信何翼請往議以報乃縋城下見廷瑞廷瑞許之約三日率妻子來降翼歸報天祐自縛詣軍門廷瑞乃入城不戮一人市肆按堵如故錫民德之至今績字伯凝吉字仲祥三人旣以說降天祐有各聚於時洪武三年並舉經明行修將召用而吉故嘗

爲僧至是竟逃去不知所終翼亦以老辭不起明績應命爲武岡知州進順德知府授中憲大夫太祖嘉其始終一節賜璽書褒美歸老於家卒年九十有七初張士誠聞績賢欲用之不往入明乃委贄焉時又有火丹赤者邑人周思文養子思文以先世爲哈麻火契丹達魯花赤俘其家故名子以識志翼等之說天祐也思文率父老而從之丹赤進曰周氏宗祀唯大人在大人不可往請代大人行及天祐降其麾下兵猶不卽進丹赤趣之則怒

曰爾欲誘殺我乎遂殺之天祐至金陵亦遇害後

翼子籌策皆貴顯

攻無錫舊作胡大海時大海已死且廷瑞確見諸書後改名羨

談綽字公綽性質直洪武中以人材徵奉命督賦蘇

州郡守李某餽以百金綽曰太守不知我李退而

歎嘗客松江同舍郎夜召娼置酒而追狎之綽終

不許明燈竟夕娼感泣遂改行爲良家人則以

楊宗昌朱待用皆邑老儒後先授經於蘇州知府姚

善家教其子節後善被戮節戍遠邊工人間關徒

步護節以行遂皆死於道中人稱爲雙義不

華興叔字仲諄宗韡子勤於田事因自號樂勤鄉人

化之無惰農焉達生而好施嘗因事被誣構而與

其人同繫獄興叔推誠相對未嘗幾微介於其中

病爲具醫藥撫視甚至其人久之愧恨曰吾小人

乃大獲戾於長者興叔在獄夢神謂曰爾身終當

歸於某所比事釋歸嘗掉小舟循湖行意覺有異

問其地名與神語合遂立木水中築土而卜葬焉

詳塚墓部宗則神異備錄

錢秉字公治以字行家世好禮秉尤好讀書正統六

年饑與從侄惟常出粟千石以賑有司以唯常名聞於朝英宗賜勅獎諭焉

趙瑾字公韞景泰乙亥饑疫人死者皆棄於野瑾乃買棺置之衢路縱取無所問有鬻田者匿其左券以構訟而遺其券於道傍瑾所畜犬遽銜至瑾前匿券者詣瑾謝不已瑾謂之曰本未嘗有券也人以此益義之卒年九十有一

安國字民泰性資警敏多謀略居積諸貨人棄我取華行之二十年富幾敵國於是贍宗黨惠鄉里乃至平海島濬白茅之河皆有力焉父喪會葬者五千人居膠山因山治圃植叢桂於後岡延袤二里餘因自號桂坡涉獵經史能言古今治亂之故好古書畫彝鼎購異書後益好遊北走燕趙望天壽山抵居庸而東躋泰岱掠龜蒙謁孔林歷鄒魯之墟西泛大江登匡廬循襄漢以憩於武當又渡錢塘探禹穴覽天台雁蕩極於普陀而還

華瑄字汝德以貢授大官署丞供具內庭能結納中涓終其任無少忤未幾稱疾歸歸事生殖能法刃

閒用桀黠奴厚衣食之使主田間督遂致害粟萬
鍾闢田千頃奴之力也好爲德於鄉受其澤者每
元朔扶携叩首常滿戶庭理無德色有反噬者搆
大獄以誣理旣而其人坐發塚論戍間逃還理勞
苦飲食之歡如平生善鑿別古奇器法書名畫築
尚古齋實諸玩好其中被服古衣冠與賓客名士
評定真贋一時鑒古之名亞於吳之沈周又多聚
書所製活板甚精密每得秘書不數日而印本出
矣

鄒望字國表才局機警父指揮使翎富幾無敵望愛
人禮士故多樂爲用嘗侍父疾失足槩散而行當
其所有事則金幣無所惜婦女無所愛主計徐魁
陸綬者凡轉鬻財貨皆倚焉一日白事內寢適二
姬爲望濯足驟見其明艷不覺流盼望覺立遣二
姬以畀之由是二人益不愛其軀與報望德而望
絕好施予凡貧不能自振相與謁告無不得其所
欲而去每秋日作酒割牛召佃穀登與爲期約歎
則舉而捐之故雖旱澇迭至而無逃亡之佃望嘗

曰天下事豈有難易夷險在人爲之而已故知不獨用之治產爲然也

鄒夢桂字汝丹嘉靖二十三年舉人少孤發憤能自立不與俗浮沉家所遺田悉推其弟娶妻奩具美遂固却不受一時鄉舉者有蔡瀛字汝登殷旦字文東祝舜齡字壽卿皆有志節見稱於時

廼安者華仲儀僕仲儀戍淮久而貲盡自分無所得食則死安因求事乾沒日以所得歸給其主必有餅餌魚肉而後卽安其後有王朋者亦秦塘涇華

氏傭主爲郡諸生而擊殺其族人之僕舉家倉黃不知所出朋徑詣官言主有事郡學去邑百里殺人者朋也歷訊任益力遂具爰書死獄中又李松者龔錫爵僕龔父暴卒有利其貲者謀賊殺其孤而取之松知之乘夜冒雪負孤而奔金沙村得免於難後輔其主勤苦二十餘年至錫爵登進士官工部郎松乃死又姚祿者從其主姚期綱運入都期罹法東廠捕之亟期出祿守舍遂自言期子縛之去道遇期亂以他語期乃逸祿至官榜掠甚酷

堅言父逃事久得解乃歸

秦柱字汝立金之孫能文工書楷師歐陽率更草學

孫虔禮以薦授中書舍人與大學士高拱有交舊

未嘗數至其門及拱為張居正所傾禍且不測士

皆引去拱歸柱獨遠將護之編修吳中行疏論奪

情杖闕下以身後事屬柱柱為醫療甚至遷為王

官尋中考功法歸以貧終其身

張守經字子傳翼之族孫也善射任俠嘉靖丙辰夏

倭至焚掠遠近死者相籍守經傾其家貲募集鄉

卒勇延教師何五路者為之督而奉苗生子白為謀

主子白及何五路吳章等三百餘人遂迎賊與戰

斬賊首聞三等數人既而敗五路章及其徒張鸞

等三十五人死焉倭亦氣奪遂去事平將為祠以

祀不果乃設主於城東濠上中祀張翼而以諸人

華配焉守經為監司檄取從征屢有摧敗將論功以

母老辭歸以壽終

何五路

張世富

吳章

葉長春

陳受

倪松

朱雲

徐鳳

陸盛

張鸞

高貴

沈龍

查文燧

陸華

過問

翁曜

金文鸞

夏林

陳世芳

顧信

沈鳳

吳文祿

丁瑾

吳切

宋教

陳惠

裴雲鵬

周召

黃啓元

戈金

沈名

劉守禮

楊効

閔進慶

趙爵

華祖勤

華祖勤

字汝成

萬曆二十二年

舉人博學負才氣嘗

有武弁持千金求屬事於其姻婭之在要路者卒

謝不可既屢蹶禮部試壯心不已及天啓中逆瑞

亂政乃拂然去之子潤球亦有文行官高州衛經

歷

季衍昌字如舜少以誠信推於其鄉有西村孫氏者

故素封與談濟有隙濟子死誣孫殺之訟於府將

檢視而濟妻不忍其子之析骨也使濟夜叩衍昌

之門曰吾始意不至此誠以君之言俾少資我可

告息也於是議以百五十金為濟養及葬其子費

事已濟至衍昌所受金因留三之一以報衍昌衍

昌緘膝識歲月穴置之牀下後五年遇濟於城南

望見衍昌而趨衍昌呼止之問無恙曰向之所得

旋為族人分攫蕩盡今羈棲呂城且不能歸故土

何面目復見丈人衍昌邀至家謂曰若但改行吾

無錫縣志

卷三十三

九

行義

爲爾貲遂出所藏畀之濟猶識故物也頓首愧歎受金而去又衍昌家夜亡粟事發爲里人所盜其人反訐於官累訟得實將發驛衍昌度歲饑久繫今遠遣萬道死是吾以數石米殺之也爲宛轉解釋竟得不罪世受金因留三之一以遊衍昌於施方昇字仲光爲郡諸生慷慨好義重然諾其友有華兆登者姊適強以虐死兆登訟於官而直之強以是讐兆登必報焉亡何兆登家有喪事華之少長畢會而族人某者以攘義田租爲衆所疾遂羣

擊之喪所而死強曰是可以殺兆登矣厚資其家使力主兆登誣服繫獄於是方昇命其子元徽曰善人在患饑不及餐况而師耶子必勉之元徽敬受命每左右兆登不能脫久之朝廷遣使者恤刑江南元徽乃挾貲走荆溪謀營救卒用華氏之以他事瘐死者二人論抵而兆登竟得釋歸兆登孫王忠介慎行之門人多著述尤深於易

國朝

馮事果央樂爲人將輜蓋之西

王玉汝字元琳崇禎末選貢有文章好結納時四方

王名士郡邑長吏皆以聲氣相推引性率易不矜小節而遇事果決樂爲人排解歲乙酉

王師定江南衣冠以下盡室竄匿惴惴懼不免前御史劉光斗爲安撫與王汝善因寓書王汝俾爲桑梓圖萬全王汝遂出家資具牛酒芻糧率父老迎師境上於是士馬歌笑而南閣左聚觀相與嘆息方是時邑士顧杲子方者端文諸孫素負才氣與王汝同社相友也至是聚鄉里子弟數百人起涇上與王汝遇鵝湖事既相害語不合遂執王汝縶

之舟中明日杲至沙山亦爲土人所殺

王汝既死撫按將爲請卹子慧生陳狀以納欵時道臣張儉欲署父官父辭本爲生靈計非階以干進也議遂寢

孫秉禾字秉兮源文子至性絕如其父重然諾有智

數勇於爲善當所欲言雖貴豪不屈而未嘗忽一婦豎其族屬皆居雙河每是非有所不決必造而

質焉

隱逸

史謂隱士必文以藝業蓋所由與古之沉冥異也

若其脫屣一切歌詠貧賤雖辟命交至而不移其
節斯亦非漫爲名高者矣邑素敦風尚而求蟬蛻
塵外者十一功名之士豈非甘節肥遯之難歟志
隱逸第四十一言
明 倪瓚字元鎮居梅里之祇陀村林木深蒨宵然若山
谷有閣名清悶藏書及古彝鼎書畫甚富性好潔
盥頰常數易水時時振拂衣冠雖竹樹之屬日必
洗拭至正初天下無事瓚忽自占田廬盡賣得錢

以與親舊一日張雨至會有錢千百緡悉舉贈之
如是至盡人莫知其意未幾兵起吳豪家富人剽
掠無餘瓚獨乘扁舟往來震澤三泖之間未嘗定
居張士誠欲禮致之不可其弟士信乞畫又不與
士信信恚欲辱之嘗從賓客游湖上則聞異香出葭
葦中以爲必瓚也物色漁舟中果得之扶之幾斃
終不開口一言瓚詩不事刻畫自然清遠書本古
隸畫居逸品深自矜惜不欲爲俗所賞瓚名至聞
於外國使有過者操沈香百斤爲贄求一至清悶

閣不許乃再拜而去瓚自署名曰懶瓚又嘗號幼霞變姓名曰奚玄朗或曰玄暎又號荆蠻民淨名居士朱陽館主蕭開卿而雲林多以題書畫故最著節明史擬藁必贊山必贊舟中果贊之林之幾贊尤文字文達家回溪里父居敬有願生文人不願富之語生子因名之曰文弱冠讀程朱遺書及遂初集探其淵源有千駟弗視一介不取之意洪武中舉明經秀才不就永樂十七年詔舉孝廉得木五人命行人盧玉齋勅書徵之文以母老辭舉似

李大椿字茂卿有文學義不仕元隱居梁谿之曲洪武初以大臣薦召為御史附使者疏辭因上太平十二策帝嘉許之天不日王龍峯隱於呂之南市華希顏字以愚少入國子監洪武初辟本府訓導以老病辭隱居東湖賦詩自娛格律清古亦善畫山水野華宗韡字公愷父幼武以孝稱家故梅里嘗構軒曰栖碧或疑其地無山曰古之隱居者不必皆山也栖於山者常不知山之可樂知山之可樂雖與山

遠而烟雲晦冥之異狀固在吾戶牖之間也宗讜有學行少奉其親避居蘇松間世平始歸其居耕華田讀書輯冠婚喪祭之禮可通行於士庶者名曰

慮得集洪武中累徵孝廉通經儒士皆不應

明史擬藁

周翼字子羽工詩元末不仕歟谷事古亦善畫山

李琛字伯器宋尚書琳八世孫元季避兵嘗挾先世

譜牒誥勅以自隨天下已定歸蓉湖徙邑之南市

橋教授生徒以養其親張尚書籌每招之仕輒謝

却舉孝廉不就與浦源趙次鈞輩爲詩文之交號

雲泉生孫歿字桓仲亦飭行工詩不應辟命與弟

戢俱有名詩本圖畫流傳至今以歟貴

周世忠字士行少厲學問讀書僧舍三十不娶嘗避

亂入吳有勸之仕張氏者不聽吳人丁仲舉高其

行妻以女乃買田定居於邑之揚名鄉而隱焉從

孫益幼孤育於世忠亦好學不樂仕進自號樵野

過儀字廷章魁岸風流擅詞翰有司薦於朝不就善

畫作長松特妙亦能山水小景自號聽秋道人

秦樸字物初長身古貌博學有文章正統間與同邑

秦翟厚諸人作真率之會不求聞達而衣冠文物表
率鄉里號抱拙生滄山水小景自畫無幾人
周祐字惟吉有詩文名與同里鄒驄俱有隱操而驄
不拘小節爲歌行立就別字梅雪士畫自畫熟理
秦旭字景暘詩格類放翁舉止詳雅不妄與人晚集
邑諸高隱結廬惠山之麓觴詠其中名曰碧山吟
社會凡十人皆七十八十衣冠峻偉望若神仙事
詳古蹟其詩卷圖畫流傳至今旭雖以子夔貴而
其中退然實無所與乃其九人卽皆布衣也並列

於左

李庶字舜明歿之子爲詩文默然成章不欲炫露故
自號綱菴旣而人多聞者遂名重公卿間老居南
樓擁遺書校讐不息正德元年詔行優老之典庶
受粟肉絮帛而辭其服陳履字天澤陸勉字懋成
刺能畫高直字惟清黃祿字公祿楊理字叔理陳公
懋字行之施廉字彥清潘緒字季芳時緒年最少
未六十諸人重之援以入緒至孝而知醫邵文莊
公寶曰史有孝友隱逸文苑方技諸目郡邑志亦

然玉林於四者何居夫術不勝言言不勝行則孝友隱逸二者當居幾焉是在後之君子玉林緒別字也其爲有道所推如此餘子從可知已

陳鳳字羽伯父周官叅政而鳳讀書習隱月夜挂琴松間調所馴山猿得詩擁膝長吟與猿嘯相應又自號石村山人好結客父黨王問以下皆造焉子以忠光州守另有傳

顧冶字世叔篤行有文本生長紛華心厭之避而之深之投金瀨又不喜避而之吳之皮市又不喜則

時時寄居浮圖老氏之宮敝衣破履率意去來不修禮容對人非故知未嘗出一語人亦無知之者

高世寧字季遠忠憲公攀龍之季子也少邁家難遂深自抑退息情進取父任不就嘗輯忠憲年譜及手抄遺書凡數本至於朝章國典文學掌故之私記及委巷舊聞無不究悉當與人雜處談諧間作或於衆中忽發驚世絕俗之語傍若無人皆確然有所折衷故持論侃侃終不可奪好山水書畫家貧晚益落拓知舊略盡唯焚香一室中有時泚筆

作水墨梅花以此自終

方技

書畫為文翰之餘事醫藥亦施濟之傍術名實所歸不可誣也下是博奕小道或星相之無害者錄焉若夫風角讖緯推步禁架仙人可致黃金可成一切江湖妖妄乃至奇技淫巧錫固無益焉可以觀禮俗矣志方技第四十二

宋 觀禮俗矣志方技第四十二

劉浩紹興中人善作窠石人物子顯能世其學來不

窠石竹木法郭熙為山水氣韻奇古永樂中以楷

書薦召入都名重公卿間

張泰字國泰成化癸卯舉人為臨湘知縣有聲學王

級為畫出畦徑之外嘗作水北山莊圖邵寶題其

上有云近來善學孟端畫眼中吾許張臨湘

戒性字太章成化中貢官教諭工山水人物風度蕭

灑筆法出范寬夏珪之間號艸亭子周正德三年

明

明

明

明

明

明

明

進士官僉事善歌詩工書豐腴流宕得眉山法平
莫懋字雲樓風神疎朗任俠有勇力里中戲集壯士
百人圍之一躍而出歛若風雨壯歲折節讀書游
賢豪長者間畫法郭熙高克恭尤好爲張旭狂艸
題詩其上晚作一松巨石圖最自賞愛令王仲儀
貌已像於松下懋子息弘治己未進士與王文成
守仁游守仁因爲題讚焉

俞泰字正齋弘治十五年進士歷官給事中山東叅
政雅好繪事頗有合作何大復題其畫云黃門身

在青雲上眼中白雲日南望白雲飛入錫山裏封
君之堂應在此俞卿善畫更能賦畫閒青瑣開綠

素晴牕落筆白雲生寫出黃門萬里情
陳穉字有實布衣策之子爲國子生能詩及畫爲花

鳥入黃筌古紙中幾不辨正德庚辰邵文莊寶乞
其萱艸圖爲母夫人壽見容春堂集

張廣字秋江其曾祖德先洪武中以都指揮使奉命
守無錫後歸老焉因爲錫人父綬分教東陽有文
行廣善書畫嘉靖中徵入京待詔內廷世宗見其

萬福圖賞之命盡進所畫於是宦者共屬廣爲萬壽圖將獻以邀寵廣辭疾不可明日探之已南歸矣字無其會師說其流中以楷法賦詩奉命談志伊字思重愷之子以父任歷官中府經歷居京師寓近大學士張居正邸第未嘗私謁會星變汰刺庶僚歸屏跡園居極圖書鍾鼎聲歌酒宴之娛旣而遭家多難先業蕩廢意忽忽不樂乃盡斥餘產携橐中裝走金陵逐遊冶頽然自放久之疽發背卒志伊穎敏多能書學曹娥更精繪事作花卉翎毛點染娟秀出宋人法外晚嘗自畫四十幀爲生平合作今得其片紙足以珍矣

鎮山溪水之濱

陳言字國楨勉之子書倣曹娥畫法趙千里不狗公卿自行其志

周訪字龍溪與白陽山人陳道復善因工畫花鳥旣

無錫縣志 卷三十三 古跡 三十一
而作山水師王蒙貧甚不以狗人求者非其人終
不可得其志

吳三畏字常惺情諸孫能詩工作懷素艸書薦授武
英殿中書嘗作錫山遺響十二卷

吳應卯字三江學之孫祝允明外孫也習允明書輒
能亂真亦能畫作小景平湖遠嶼得李嵩家法文

嘉以爲過其艸書
張復字元春畫法梅道人爲人溫厚長者故士大夫
樂與之游

林存義字敬坡工花鳥類陳道復子梅世其學

國朝

安廣譽字無咎希范少子不事繩檢而文采宕逸家
多古蹟因善山水無塵俗氣門人張慥得其法

秦德滋字以異多才藝有王謝風度作歐體細書別
成一家所繕寫甚多

按書畫之道在士大夫爲之必兼文章行誼以
爲重故多錯見於宦望儒林文苑忠節隱逸諸
類之中而此不互列然此劉浩以下諸人亦復
彬彬大雅而俗工不與焉其散見者仍略舉其
名於左

顧愷之 喻樗 陳之茂 李晦
孟代 倪瓚 王紱 王達善

華晞顏 浦工源 吳元夫 顧可久
陳勉 王問然 王鑑 顧可久

安紹芳 秦柱 鄒迪光 鄒德基
孫茲禾 高世泰 夫為 顧公果

以上
書畫

明

施仲模世業幼科子中立為太醫院醫士孫澤民潤

民濟民始兼通朱李之學術遂盛行濟民官訓科

子廉字彥清精脉理每危疾諸醫歛手廉至輒起

之讀書能詩弘治中以明醫徵至京師不受職

還為碧山吟社十老之一族子言諫並以醫名族

孫教尤著

施存善字昌宗永樂初詔徵除韓王府良醫副宣宗

檄召拜御醫賜詩宴文華殿以子安累進奉政大

夫安字元濟歷官太醫院使卒賜祭歸葬錫山父

子歷仕七朝數蒙褒寵當世榮之

施教字子承號心菊五歲喪父有志為儒者讀書研

精深造歷年不遇求其舊業已失所傳不可考據

乃盡取素問難經劉張諸家之書互為參證讀書

既久乃易通曉至於診切若有神遇因洞知百病之所由投之無不立効其與人不問貧富貴賤報與不報皆濟之好施子樂周人急其後遂大昌焉魏思敬祖叔臯元本州醫學學錄業婦人科思敬及子公哲公哲子宗美並世其業宗美官醫學訓科子朝器孫鏞亦工醫

潘仁仲祖傳之在元爲常州路醫學學錄父進德本州醫學提舉仁仲楊鐵崖門人本州醫學教授居營橋作容膝軒與倪雲林張居貞輩游晚以高年

應詔子克誠永樂中召爲太醫院醫士與王達錢仲益友善克誠子韞輝尤妙鍼灸官訓科

黃朴菴失其名外科得異人秘方其後叔洪師善者亦兼通大方脉師善子祿工醫而能詩

張用謙深究朱李著有醫方摘玄同時有徐吾元論運氣甚精博有醫經原旨

周濟廣名絃以字行幼讀書以外家金氏工醫遂精其術瘍疹婦人諸科無不通曉名滿吳中成化中以明醫徵至京師引疾還每診人脉豫知人生死

之期子敷牧孫萃皆世其學有人視類映人主亦
寶良茂以瘍醫爲邑訓科孫時用時望時望子楠並
周得名各處以字行及讀書以衣寒金刃工醫悉盡
陸氏醫士徐孟容妻善醫名聞於朝永樂間中官遣
內侍至錫召入宮既老遣歸賜資甚厚仍復其家
尤仲仁字依之以喉科名初御史周清白一中官於
黃大獄餽秘方十有七周死而甥得其方卽仲仁之
祖也嘗起嚴文靖於屬纊活范祭酒屏麓孫封君
雪牕於危劇三人共出貲補仲仁太醫吏日遂世

其家

司馬大復字銘鞠爲諸生游於高攀龍之門其醫得
傳於虞山繆希雍繆所著廣筆記往往載大復語
言飭行馴無間貧富人以此益重之署太醫舉鄉
飲賓

戴思謙號雲洲初鳳陽人居無錫早歲賣卜於市尋
去之京師又自齊魯歷燕代登醫巫間慨然慕安
期羨門庶幾遇之嘗在廣寧雪夜遇一道人授以
五運六氣十二經絡之秘及證治諸方旣而栖小

五湖之石塘山間出為人治病沉痾者立起遂名於時當事者多延致之或以事請思謙輒為掩耳一時有巢父之號焉

國朝

華穉藻字麗函以諸生法為醫得傳於雲間李中梓

遂以世其業

以止醫亦乘醫也落韻華韻并去焯大野韻

明

唐理字孟淳永樂三年鄉舉官陝西河渠提舉好奕

嘗於陽羨山中遇蜀雅州道士買茶者與對局三日夜理遂為吳中第一家有竹素園楸枰滿四座諸妾臧獲無不能之其壻得其傳久之與理爭勝負焉

施顯卿字純甫嘉靖壬子舉人後知新昌縣素精於奕老而彌勁無有能先之者既而北郭有祝萬年忽起而勝之顯卿殊不能平每狎侮焉後又有秦延燾萬曆庚子舉人更出萬年上十年不言奕過文年字栢齡以善奕游京師名籍甚於是天下高

手築壁壘而攻之者無遠不至文年開關延敵莫
 敢仰視者遂羣奉為國手自是數十年天下言奕
 者以無錫過栢齡為宗其人馴雅有士行在都太
 學士葉向高禮而客之

錢修潔永昇亦善奕在文苑傳

以杜甫氣韻士千舉人翁映池昌綽素辭然

明

孫紹先字振之隱居橫山植花竹好彈琴素曉術數
 庭有古松每為人言吾與此松同壽及年七十有
 九病篤謂其子曰吾不死松當先我七十日而墮

耳又七年重九大風拔木松仆紹先果於是冬卒
 王若水字一清神骨踈秀博學而富有道術其子為
 卜葬地於芙蓉山若水易簣乃謂兩子曰五十年
 後此山下有大水當吾塚可更之子為改卜以葬
 焉比弘治末蛟起山麓淹為巨浸推之正五十年
 矣惠國國師於崇安寺曰此山山神也

顧節字公理性伉質好面折人過常減息緩急於人
 然晚而所殖益厚善許負術自謂其女當大貴時
 邵文莊寶三歲喪父家甚貧無肯以女妻者節一

見喜曰吾女之貴乃以此子也卽許字焉且撫視
甚至後人以此服之指貧而自謂其文當大貴也
唐古風者不知其名居熙春里善相術爲女擇婿見
張惠岡國維於崇安寺曰此可七品且多男而壽
足矣乞張所善顧舉人應龍爲媒而納女焉其明
年嘉靖辛酉國維舉於鄉一夕宴其同年唐坐而
觀焉退謂人曰郭龍潭顧少巖皆不久於世錢虛
王堂華石門周傲菴皆有貴子而傲菴爵甚高特不
甚永年耳傲菴周子義也官少宰子炳謨宗伯錢

華之子皆進士國維後仕終浮梁知縣

以上
術數

明

陸之先在元時世爲可兀闌之屬可兀闌者猶言將
作大匠也有陸憲官諸路工匠都總管贈中奉大
夫武備院使陸莊仕終保定路諸匠提舉洪武初
朝廷鼎建宮殿有陸賢陸祥兄弟應詔入都賢授
營繕所丞祥授鄭府工副食營繕郎俸歷事五朝
至帶銜太僕少卿累加工部侍郎賜予累鉅萬未

賜飛魚服犀帶官其子姪四人祥年九十餘卒賜

祭歸葬錫山對隴工隔食營營營浪浪風事正時

時或以工繕官選序習習習習人恭熟臨人習習

大元制制制制制制制制制制制制制制制制

制制制制制制制制制制制制制制制制

制制制制制制制制制制制制制制制制

制制制制制制制制制制制制制制制制

制制制制制制制制制制制制制制制制

制制制制制制制制制制制制制制制制

無錫縣志卷第二十三

貞烈

季世風靡而婦女之以節著者其多以倍吾懼後

議之未嚴損前人之重也然而幽牕茶苦既難深

核苟慕義之篤亦足以風世矣若夫峻節皦然拔

乎其萃固可循覽而得焉志貞烈第四十三

宋 顧氏南武妻忠文公重珍母也年十餘育於外家

顧氏南武妻忠文公重珍母也年十餘育於外家

管氏宗田父母家絕食女煎髮貽其父鬻百錢以

給炊家自是稍裕若或相之者人以為孝感歸蔣
而寡時重珍纔十歲有累舉得官者屬嫺黨議婚
焉顧怒叱去之親授重珍經書平生喜說李氏斷
臂事謂婦人當如此也所居僅容膝而內外區別
凜然不可越貧甚或乞重珍為之子不聽又有願
以女贅者田廬畢具顧曰藐孤所以得不死者諸
父力也豈可去之辭焉重珍年四十始舉進士第
一人迎養於京邸

元

傳志卷二十三

陳氏字明淑瑛陽華鉉妻鉉為都功德使司都事卒
陳年三十入誓不貳志撫其孤幼武底於成有司
以聞至正間表其門幼武作貞節堂以奉母時之
名士皆有題贈其後有黃淑瑛者嫁華仲安二十
七而寡潔身教子人以此明淑焉
華氏字冬孃鄒琪妻至正丁酉兵起鄉人奔竄冬孃
從其夫匿草野中兵卒至度不得脫顧謂琪曰我
義不可辱君善自保自溺死年三十五

明

字淑瑛陽華鉉妻鉉為都功德使司都事卒

劉氏字如玉吳國祥妻盛年而發撫子璠璠後亦夭
與璠婦朱保其孤孫時敏洪武中旌其門時敏後
作堂題曰思貞以志母節曾孫益亦早卒婦尤節
華亦如之成化中旌至五十四其族人亦與之
邵氏張文煥妻文煥通春秋洪武中舉人材授白洋
鎮巡檢遇寇力戰死之子女保十歲文煥有故人
姚樞爲司理邵屬子於樞以歸抽刃自殺
范氏儲福妻在忠節傳志其節
鄒氏字淑惠華源長妻源長疾革以孤託其母而不

及妻鄒歎曰妾之心夫尚有所不知遂自經死年
二十有二又二日夫乃卒

沈氏魏思民妻思民卒無子沈年二十一撫外孫爲
後教養成名翰林陳繼爲之傳

楊氏趙禮妻禮卒楊年二十七父母將嫁之楊不從
衣食於女紅以卒成其志正統中旌

陸氏名媪茹洪妻洪官壽光丞疾革執媪手指其子
璿曰善保此孤媪泣曰妾苟懷三心者有如日洪
遂卒媪鬻簪珥抱遺孤千里歸葬秉志終身正統

中旌其門洪族子惟賢早卒婦關撫孤潔已與陸
先後旌關之曾孫婦尤夫萬鍾早世尤稱苦節
楊氏字淑華余彥昭妻洪武初彥昭戍滇南死楊年
二十一孤同善生甫及朞家貧誓不嫁養姑強以
壽終旣而同善亦卒遺腹生子庠楊與其婦姜備
更荼苦卒至成立姜先卒楊正統中旌

厲氏名貞陳文俊妻文俊死於役厲年二十七子三
歲父母欲奪其志厲自經救之不死奉姑教子終
其身景泰癸酉旌

姚氏年十七爲錢公達妾踰年公達卒父母將嫁之
姚截耳以誓乃免天順中旌

孟氏字德厚虞宗約妻宗約母孟族姑也盛年寡居
孟父憐宗約而妻之孟年二十三而寡婦姑相依
終無二志成化戊子旌年八十有六

鄒文遠妻楊氏
臧景和妻吳氏
黃薛綱妻朱氏
華源湜妻樓氏
姚廷璫妻吳氏
華嶽妻喻氏
彭雲舉妻浦氏
潘時覲妻范氏

周氏蘇之農家女鄒佑之納爲其僕李昌妻昌死周

周年二十三歲大勸將從之生母使人守之少間遂自
遺經後昌死二十餘日體變如生

成氏登封訓導尤輔妻也初輔遊學靖江成從焉成
化丁未五月江水夜至家人倉黃升屋成整衣欲
上問爾輩衣耶衆謝卒未暇衣成曰安有男女裸
形相向而可俱生者卒不動厥明水退猶坐死婦
孟士成定陶教諭繪之女其後倉橋俞氏夜火火至
寢室婦求衣未得裸立門內一僕冒火救之婦曰
寧死耳豈可裸而與汝俱出遂焚死二人立志略

天相類惜俞不著其姓氏王君君誠善也翁事吳曰

秦氏太學生吳鈇妻孝子且女也年二十八鈇卒有
娠生子四年而夭乃歸依父母以居以弟子瀚爲
後守志凡六十年受旌後又十有四年而卒其媵

丁氏七歲從歸於吳亦終身不嫁至七十餘

單氏沈昇妻許字未嫁而昇卒依單以居以貞著正

德中巡按御史加獎建祠惠山之麓邵文莊顧端
文先後爲之記

熊氏蘇州人五歲許字秦漢漢年十五暴病卒女聞

輒慟哭後有議婚者女截髮割耳以誓父母乃聽之漢葬女持服行喪盡穴於塚旁示死必歸秦嘉

靖中巡按御史建坊表其門山之蠶婦文蘇節婦

談氏邵璘妻二十七而寡教子樸有矩度嘉靖中旌

楊氏俞暉妻二十八而寡慟幾絕葬之日大風暴雨

徒跣臨哭卒課子憲有成受旌 四卒其親

華氏鄒魯妻二十九夫死撫其五歲孤申甫有成嘉

靖中旌 吳趁妻李千且女也年二十八趁卒

吳氏閩江吳琰女嫁武進王岳岳病籌身後事吳曰

妾當死於君前及病亟召其兄弟及夫族設酒饌

會飲乃拊女而寢有頃視之自縊死矣岳後五日

亦卒吳年二十四嘉靖二十六年旌 吳卒

過翰妻殷氏 蔡方妻吳氏 馬熊妻謝氏

談龍妻鄧氏 葉棣妻許氏 過尚儉妻錢氏

呂氏鮑巘妻御史占女二十二夫亡苦志五十年撫

鮑前妻之子甚慈一女適李貧而寡乃携以自傍

焉 吳琛妻以孝稱寡時年二十九伯叔氏不與相

李氏吳琛妻以孝稱寡時年二十九伯叔氏不與相

李協旣教其子兼持門戶終不貽其舅憂夫不與
胡氏字妙真錢棻妻棻幼病癩胡嫁時已爲廢人遂
撫其族子爲後越九年棻卒胡年二十七舅惑後
妻悉以貲畀其女而斥胡歸胡服除請留事不許
號哭以去僦廬於蔣巷紡績自給旣稍裕姑且老
而女養不終胡請迎養又慚不往乃日進甘旨終
不能得其懽心及姑死乃移入奉其舅卒後喪祭
皆如禮僅得郡俸扁其門以旌云
鄒氏華音妻十九歸音五年而寡有女適鄒壻亦死

母子相依食貧厲志並以壽終
華立妻鄭氏妾周氏姐華琨妻鄒氏又其姊錢氏

張元益妻陳氏 華球妻朱氏

闕氏贈御史胡觀妻十八歸觀九年觀卒先是觀兄

祭坤客死無家婦趙盛年矢志闕實周旋之至是乃

携寡奴支門戶教子姪旣而趙子蒞亦天婦錢年

十九三孀相依不渝其志後闕子濬舉進士聞於

朝闕趙並旌而錢格於年

莫氏孟澤民妻寡時年二十一其勝談年十七莫泣

莫謂曰我爲人妻義無再辱爾嫁可也談亦泣曰主
誠有志妾奈何二心且舍我誰當輔主者遂相與
闔戶而處者五十年孤長家亦小裕莫年八十有
七談亦七十九而卒
蔡氏孝子蔡元銳女適太學生陸子才嘉靖中倭亂
蔡方歸寧家本控江門外登舟將入城而賊已突
至見蔡美將汚焉蔡悉出所携金幣求免不得顧
見傍有虛舟因給賊過彼乃從汝賊喜牽其臂以
往近船舷齒賊手流血得蹙脫投水中死之婢三

曰阿滿招女三英皆徐氏一時從死詔旌其門
錢氏周文妻文有文翰能丹青所居齋多古名蹟奇
器人有小清閱之目亡何遇道人授秘戲之術以
不檢爲蘇州武弁所訟遂亡命湖海錢被羈繼榜
掠幾死一夕文忽夜歸妻泣謂曰今夕不留子則
夫婦恩絕萬一留子而姪何辭於官六年清白敗
於一旦奈何文然其言相持慟哭而去錢時年二
十九耳家已蕩盡作網巾自給又四十年而終通
判周俊民歛葬之題其墓曰節婦塚

劉氏國子生楊藪妻夫亡年二十九携幼子以事其
七十老姑大見侵於族人產益削及姑與子相繼
没止一孫應文僅四歲貧不自存劉曰於此不能
自振何以保孤一僕忠而才劉任之使鳴於官復
其舊業應文後舉進士仕終太僕少卿萬曆丁未
詔旌

鄒氏堠山錢季子妻嘉靖中避倭亂爲賊羣逐得之
鄒死不從乃褫其衣而束以帛鄒念必不得免見
賊植刃於陌遂盡力騰身而上觸刃穿腹而死年

二十有二

盧氏父曰文烈幼與講解古人節孝事頗省大要甚
愛之年十六父病革謂曰汝母年尚少二弟幼汝
適人將誰依乎女泣曰有兒在不爲大人憂兒願
終身不嫁與吾母吾弟相守耳父乃瞑女飲泣三
年母許曰吾力尚恐不能保汝二弟况能及汝女
曰吾當自食不喫娘飯也遂獨處一室習女紅及
爲網巾鬻以自給井上有棄菜黃葉者輒拾以佐
餐旣稍給能祭先能養弟後至爲弟娶婦婦間與

許薛語女不食自責婦化之至爲策變徽徽聞與
徐氏民家女年十七歸高宗孝未越月而寡徐縊柩
傍姑解之終投隙自經萬曆中巡按御史立坊表
其墓
孟氏楊良利妻方死有產有子可守伯氏楊良利其有
使姑爲主婚改許後圻張姓者夜半戒飛艇不及
衣履裹之被而刎以行孟欲投水不得又痛辱之
竟擁入張姓家孟截髮求死會其父孝奔憇於陳
太常幼學乃釋歸苦志三十四年卒

傅氏顧懋德妻懋德業鬻煤事父孝而早死弟以不
肖傾其家誘傅改節者動以富室不問而自經於
牀姑救之不得死既而目見凌逼又投東河復以
槌突烟常絕竟終其志

華氏范汝誠妻年十八歸范時汝誠已病未成婦而
寡長齋守志六十二年

張氏王家棊妻家棊以輓糧死京師喪歸張撫棺大
慟自以有姪不死既生男撫育盡瘁皈心竺氏每
吉凶事姻戚娣姒羣集未嘗與焉又深不欲以節

自名論者難之。以奉其未嘗與語。又將不為。以周氏朱士英妻。寡時十八。鬻簪珥業紡績。以贍瞽目。翁而內外迫脅。必奪其守。至自經者。再投水者三。而後已。年七十有四。萬曆中旌。

華氏華西女。字趙之俊。俊死。西游名山。亦卒。女誓以身侍母。母又死。曰。吾弟甚幼。誰撫之者。稍長。嚴之補諸生。則又死。女復為撫其孤。凡五十餘年。某氏有妖。憑物為祟。女叱之。遂不復見。而自縊。故

單氏王天麟妻。十九。始婚。無子。至年八十。有六。奉旨

旌。

陸氏辛慎妻。二十。夫死。為族人所逼。引刀畫面。乃免。

以壽終。

王氏諸生承讓妻。二十三。而以節聞。教其子甚嚴。後

奉詔旌。

王氏趙士賢妻。年十八。賢死於水。王亦赴水救之。遺

腹生子。守之至終。

沈氏烏程人。十七。歸無錫顧漢臣。年十五。而寡。家貧

。事佛。年八十五。合掌而逝。崇禎中旌。

錢起龍妻蔡氏 正諸生呂黜母薛氏 顧志道妻王

武氏 息諸生司馬常白妻馮氏 諸生單可權妻吳

氏 周士彥妻張氏 陳友正妻岳氏 胡汝潛

王妻顧氏 馬維屏妻華氏 張鳳鳴妻黃氏 司

馬遇妻滕氏 郭梧塍妻秦氏 丁起時妻談氏

王 趙楨聘妻史氏 徐梅溪妻高氏 董存信妻

金氏 高世道妻錢氏 張翼聘妻顧氏 祝鴻

業妻施氏 關份妻馬氏 華氏 鄒萬程妻早寡哀動閭里夜輒臥棺下見妻

華氏 鄒萬程妻早寡哀動閭里夜輒臥棺下見妻

沈承妻薄少君哭夫詩泣曰彼有孤可撫且死吾

何戀哉遂扼吭而卒江西臬僚潤球女也

王氏 吳九德妻事病姑畢婚嫁辛勤盡瘁奉旨旌

薛氏 字葉胤晟未嫁而晟死訃至已葬走哭於墓後

姑厲甚乃依其孀姊以居姊適王永觀年二十六

矢節因移居傍母兩貞相勗以維績嘔誦終其身

顧氏 幼字秦城將婚而城卒奉舅姑食貧矢志雖至

大戚不聞其笑語之聲貧同善會命賞置田以勸

方氏 字湯榮榮死歸湯獨處一樓長齋布衣雖母家

亦不一至以迄於終一對吳齋亦不

方氏岳兆麟妻既寡而貧同善會給貲置租以贍焉

徐氏陳邦選妻家貧飭行鄰婦未嘗接其音容潰兵

掠無錫執邦選徐踰垣避林中兵前逼之赴水死

越二日網得尸一幼女猶在抱王承燭年二十六

陳氏字徐文美文美爲梓人升屋墜河而死陳素練

自懸於梁殉焉鄒提學迪光爲文募貲建祠以祀

尤氏吳益妻貧不奪守奉旨旌

黃氏顧世華妻嫁十年而寡內外支柱言不出閫卒

以愁鬱死有婢失其氏相依臂指使者二十年亦

終身未嘗近男子也

王氏孫景惠妻二十六夫死撫其三孤親族凌侮受

而不校以壽終

劉氏諸生張集之妻舉人陞女早寡有三子口授以

經兼父師之事垂五十年

喻氏諸生劉源洪妻二十九而寡守節四十年

張氏幼字陸亨亨死女年十三誓不嫁遂謝鉛華躬

蔬素事其父及繼母歷六十餘年天啓四年旌建

祠九龍峯坊側繼母型六十翁平天啓四平對數
錢氏翟應南妻應南挈其家遊京師而卒子生三
月矣錢奉姑抱子扶襯而還間關二千里姑死於
中道及抵家翁又死錢欲自裁念三喪在殯黽勉
襄事守之終身天啓間旌文早寡年三十口幾以
尤氏諸生嵇兆和妻早寡次許氏生子五齡家日貧
尤爲司寇際昌女止存奩田與許共矢守節長齊
冰燄撫孤光世隸婁庠許先卒尤七十五令終
黃氏嵇應聘妻寡時子幼苦節四十年孫永福進士

堵氏進士賈明佺妻明佺年二十七未仕而卒堵事
姑華甚孝縞衣蔬食梵誦終年舉止樵樸人不知
其名家也

許氏御史胡濬妾濬卒時年十九堅之死之誓顧端
文高忠憲周文簡諸人歛金置田以給之卒遂以
殯附葬濬塚之傍
華氏幼字葉之藩年十六夫亡訃聞遂歸於葉哭臨
王戒服無父母舅姑伶仃獨立卒年三十有七
張氏諸生唐士奎妻寡時年二十五事其翁姑完節

盡孝崇禎九年旌樹坊西郭十五車其命故宗道
王氏諸生侯世美妻世美卒孤鼎鉉八歲王守志至
年七十有三而卒崇禎中旌建坊環秀橋東
浦氏浦慶祥女頗知書能讀烈女傳幼字陳毓華毓
華卒訃聞女驚欲死父母守之甚密女陽自解釋
剪道家鞋式授其小妹比晚伺者小懈竟投後河
而死衣皆密紉不可卸雙環繫焉陳聘物也旦日
毓華之母聞而往視喉間隱隱有聲目斲一開而
瞑馬文肅公世奇倡同邑葬之錫山之麓而建祠

於墓傍

胡氏字張鼎烈未婚而夭胡年十九截髮毀容執喪
號墓父母不能奪崇禎十年旌

虞氏贈儒林郎胡俸妻年二十八而寡子時忠始十
歲家貧族黨逼嫁至見迫辱虞不勝憤使孤爲狀
自陳守節於知縣林宰爲立案焉旣乃營喪葬畢
婚嫁以迄其子之成名累封太安人崇禎十三年
旌樹坊西門外時忠妻母榮氏龔樞妻亦以節聞
劉氏諸生龔修齡妻夫亡奉其姑飲痛泣血不敢以

傷高堂之心食貧苦節訓其子廷祥以崇禎癸未
進士官中書狗江南之難榮刃與鄰妻衣以贈
楊氏黃汶妻汶早歿楊年二十有四藐孤六齡高堂
兩世仰事俯育不勝荼苦楊能敬共厥職割私產
以償公逋不校性矜飭晚而癰發於乳未嘗袒胸
以見子婦早歲嘗有盜警遂不復解衣以寢至稱
未亡人者四十七年教其子應元以孝聞卒年七
十

而寡矢志又二十餘年又希尹次女幼字何枋
如枋如疾篤歸何死而不二並以節聞

鄭氏高宗謙妻封禮部高士鶴之冢婦十六歸高又
二年宗謙卒守志五十五年以壽終初士鶴妻母
吳守貞奉佛久依於高至鄭寡併其侄女輩孀居
者並迎歸共處一室中有冰霜之氣云

吳氏兵部員外郎其馴之女許字秦泓昌泓昌歿女
誓死不二執喪於家悉如婦禮比服闋而媒至女
乃裂背戟手引刃自裁侍婢救而環守之不少間

遂屏粒食謝湯藥服麻杲密自縫紉呼天者三噴血而絕

殷氏諸生臣庚女字侯曆早歲喪母其姑乃其姨也年十八曆病卒女聞訃請歸侯執喪欲依其姑以居姑以其年少難之屢慰諭遣還乃哭辭於曆之靈而行至家則自經於輿中矣救之復強活因復歸於侯自是足不踰閭未嘗妄言笑居十年以病卒

朱氏李氏皆馬文忠公世奇之妾崇禎十七年從宦

京師三月城陷先世奇自經時李年僅十六事詳

世奇傳並贈孺人附祠祀

又表氏亦以苦節著

王氏王明臯女性矜嚴溽暑不御輕縠幼字何年未

嫁會崇禎末所在盜起年從之坐繫獄其家願離

婚索所聘父兄將從之女潛投井中救之不食兩

日而死

國朝

歷四守女塾素貧嘗遭嘗天則早也人之

榮氏贈僉事劉士璋妻早寡而貧教其二孤辛勤盡瘁子果遠既貴得先旌後封年九十果遠時亦七

十矣果激鴉貴爵夫載翁桂平氏十果激報亦十

錢氏朱寧基妻寡時年二十有九嚙指出血自書守節撫孤四字於壁家貧習勤嘗天明早起久之知爲月光雨甚屋漏則持葢而坐力盡於嫁娶而未嘗假絲粟於隣舊之家歷三十年順治中旌

杜氏諸生華夏寧妻早寡無舅姑携其子游吉獨守王五十餘年女掛符籙戰暑不憚神效

錢氏國子生堵夫建妾未三十寡孤孫正時八歲比二十死於楚軍錢宛轉徙匿備歷艱虞與孫正婦

沈共厲節操越四十年

王氏張國誼妻早寡潔身五十年順治中旌

劉氏諸生過對揚妻對揚病劉心力交瘁不得愈死

趙厲冰檠三十餘年以成其子松齡

曹氏武進農家女幼失父母撫於邑西鄉朱氏因字朱氏子未嫁朱病劇曹割股以療不愈遂矢不嫁

旣而有欲之者強委禽焉曹度不可解一夕衰服自經當事知之乃罪其人而祀曹於惠山貞節祠

張氏推官迎禊女字諸生秦汝舟年十九而汝舟夭

其翁亦相繼殞女聞自縊救之得蘇乃清齋持服
聞父母議改字輒掩面流涕終不可動自守嚴潔
見有嫠而靚妝者必唾之居六年疾甚謝醫藥飲
食卒迎禊之長女適劉憲舒四越月而寡哭之神
傷亦六年而殞
錢氏處士肅潤之女許字黃炎雲炎雲死女亦踰年
而卒兩家以其死之月日相近舉而合葬焉
周氏諸生秦濫妻濫負才早死周年二十有四守志
復二十餘年
歿四十五

浦氏華潤璋妻寡時二十有八抗節三十餘年憲旌
陸氏諸生華嵩祝妻歸華四年夫死子生匝月尋殤
旣而侄之爲後者又隕弱女寡媳荼苦相依至年
九十八而卒康熙二十三年自詔旌

周氏諸生陳如愚妻未三十以節稱年八十有八
葉氏贈編修諸士蘭妾士蘭沒荆湘計至顧二子係
宥豫曰待是成立而死耳及稍長葉年二十有七

吳氏諸生侯長源妻早寡卒年八十餘父桂森爲東

吳林宿儒氏能白首稟承其教以節著於鄉黨為東

薛氏前長興縣知縣錢爾登繼妻年二十九夫死勵

志四十年康熙二十六年又詔旌業年二十餘

華氏諸生周公廉妻年二十四寡守節三十餘年

李氏諸生高明昭妻明昭以書生好談經濟世亂携

其子綿士走江上死於兵李自經鄰媪救之秉節

三十六年年七十卒則厥女寒飲茶苦昧於至辛

嚴氏諸生劉肇恒妻年三十肇恒死無子家日貧既

而一女歸華稍稍依之亡何女卒撫甥女嫁吳者

壻又卒所後子弱不能給餽粥嚴厲操四十餘年

竟以貧死

邵氏顧與桓繼妻二十四而夫死有孤二齡貧甚後

有背其婚約者邵訟於官而直之守四十年不渝

錢氏儒生曹代何妻年二十四夫邁危疾意以婦少

為憂錢曰他日相見泉下還君白玉夫領之而絕

錢截髮改容自給十指奉瞿曇甚虔至年八十五

忽夢夫就索白玉自知將死晨起更衣誦佛號百

華遍而蛻謝大妻本農家以貧勉自給無父世于女

華氏司馬德大妻本農家以教授自給無父母子女
疾甚問華吾死何依華曰死則從君死耳及卒華
不哭既殮成服設奠闔門而入久之寂然人始怪
之排其戶入已自刎仆地南向正臥衣紋不亂年
逾二十有九外同妻年二十四夫報訖後以誠心
楊氏廉澄潔妻二十八而寡守志四十年
馮氏年十六歸劉世高世高未娶天遂歸於劉秉志
十年而卒

堵氏王仁浚妻亂錫女仁浚沒十六年氏有疾不進
藥自期速死整衣衾而卒

繆氏黃洛源妻夫死方娠及生男三日而殤繆亦不
食七日卒

秦氏郭維翰妻十九而孀年八十有志節
錢氏顧鼎勳妻守志四十三年祀貞烈祠

周氏諸生楊夢鰲繼妻早寡年七十與姒顧氏夢熊
妻俱以節聞

李氏談悌妾十九守節身不踰闕而內外井然

華氏諸生碩謀女字吳郡施某施訃至題柱曰一刃

頭落地聞議婚則截髮投繯乃歸於施七年而卒

康熙二十五年 詔旌

虞氏計士暹妻嫁三年寡家貧歲歉不奪其志

周氏王侯東妻年二十一夫死力貧自保四十餘年

康熙丙寅憲旌

秦氏王有道妻年二十九有道卒截髮自誓時舅姑

皆年八十而子僅三歲家經多難以節孝終明萬

曆中憲旌迄康熙初有司祀之貞節祠補

胡氏華夢旭妻守節七十二年年九十有五萬曆中

詔旌康熙初祀貞節祠補

馬氏沈士珍妻早寡翁自以民家且婦年十九甚少

蔡欲嫁之一夕自經天啓中官表其墓康熙二十二

年祀貞節祠補

李氏布政龔勉繼妻十六歸龔十年而寡與其孫續

祖妻徐氏共勵操五十年補

袁氏李茂春妻歸李一年而寡無子以夫之兄子碧

為後碧卒與其婦黃氏兩孀相保終身

任氏楊昌猗妻二十二寡能守志以奉其孀姑

吳氏諸生楊光祖妻早寡遇盜至能以其孤免既而
盜燔其廬光祖之棺燬焉吳慟哭負遺骸於烈焰
中後官卒捕得盜時天下初定真盜輒殺不禁吳
乃手刃而尸諸湖年六十三以節終

浦氏華潤璉妾二十九而寡完節四十八年其節
李氏朱士揚繼妻早寡著清節

蔡氏儒士華潤璿妻守節四十三年其節

思為武士冬寒早寡自以另家且教年十八其小

隨其親照所所負節



